

廿二
6

T2455/17

826

唐

卷三十六

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 20 1932

OhL 2455.17



CM 0	1	2	3	4	5	6	7	8	9	10	11	12	13	14	15	16	17
Lab D502	95/0/2	81/0/0	66/0/0	51/0/1	35/0/0	20/0/0	29/19/54	55/39/33	42/57/29	82/4/79	51/50/13	50/28/29					
	38/14/16	66/16/18	50/5/22	43/14/21	55/9/25	71/32/0	62/34/60	40/9/43	52/48/17	31/21/21	72/23/57	73/19/68					

Harvard College Library Imaging Services <http://imaging.harvard.edu>

弘簡錄卷七十

明刑部員外郎

和尙經邦弘齋學



皇清翰林院侍講學士四世孫遠平校閱

附載

李軌

安典貴脩仁附

劉武周

宋金剛附

苑君璋

高開道

徐圓則

蕭銑

杜伏威

闕稜王雄誕附

輔公祏

沈法典

李子通

左才相附

朱粲

林士弘

張善安

梁師都

劉季真

郭子和

羅藝

李軌字處則涼州姑臧人畧知書有智辯財雄邊郡好馴人急鄉黨稱之大業中補鷹揚府司兵薛舉亂度必來侵然吏皆孱怯無足與計乃召同郡曹珍關謹梁碩李贇安脩仁等計欲相

戮力據河右以觀變衆允其謀相與舉兵然莫適敢王珍曰我聞讖書李氏當王今軌賢非天啓乎率衆羅拜聽命脩仁等欲盡殺隋官分其財產軌曰諸公幸見推當稟吾約今軍以義興意在收亂若殺人取財是乃賊耳何以求濟衆應曰諾會突厥達度闕說可汗內屬降於軌軌遣脩仁等夜率諸寇入內苑城建旗大呼執虎賁郎將謝統帥邵承章士政遂自稱河西大涼王舉果發兵來侵遣贊敗之斬首二千級悉擄其衆軌縱還之贊謂力戰而始俘又縱以資敵不如盡阬之軌不聽曰若天命歸我當禽其主此皆我有否者徒留何益竟遣之未幾拔張掖燉煌攻陷河州西平枹罕悉有河西僭號稱帝建元安樂立子伯玉爲皇太子署官屬以長史珍爲左僕射頌爲吏部脩仁戶部皆尚書統帥太僕卿士政太府卿餘拜官有差會唐高祖方

圖薛舉以璽書慰結自稱從弟軌喜遣弟懋入朝拜爲大將軍詔馮臚少卿張俟德持節冊軌爲涼王涼州總管給羽葆鼓吹一部俟德至軌名其下議一姓不兩立欲去帝號東向受冊珍曰已爲天子奈何受人官必欲以小事大請行蕭詧故事稱梁帝而臣於周軌從之乃遣僞尚書左丞鄧曉來朝奉書稱從弟大涼皇帝帝怒曰軌稱朕爲兄此不臣也因曉不遣軌初以頌爲謀主衆憚其有筭畧嘗見故西域之種族盛勸軌備之因與脩仁等交怨軌子仲琰候頌恨不爲起相與譖頌軌不察錫之由是故人疑懼頌不爲用有妖巫妄言上帝將遣玉女名共築臺以候多所糜損值荐饑人相食珍議發倉粟統帥等內不附思結羣黨離其衆心以珍議非國計閉粟不發下益怨多欲叛去會脩仁兄興貴在長安自表詣涼州招軌帝許之興貴至軌

授以左衛大將軍因問訪自安策與貴勸以舉河西地奉圖東歸雖漢竇融未足吾比軌默不荅與貴知軌不可說乃與脩仁等潛引西域兵圍其城又薛舉在國奚道宜率羗兵奔軌許以刺史不與道宜怨與共來擊軌以步騎千餘出戰敗而入城引兵登陴以須外援與貴傳言唐使我來取軌不從者罪三族於是諸城皆不敢動軌乃攜妻子上玉女臺屬酒爲別脩仁執送赴京斬於長安自起至亡凡三年詔拜與貴右武侯大將軍封涼國公賜帛萬段脩仁左武侯大將軍申國公並賜實封六百戶鄧曉在唐廢不齒

劉武周瀛州景城人父匡徙馬邑母趙氏嘗夜坐延中見物若雄雞流光燭地飛投入懷感而娠生武周爲人驍悍善騎射喜交豪傑雄于州里兄山伯嘗嘗辱之曰汝不擇所與必滅吾宗

武周因去至洛爲太僕楊義臣帳下征遼有功補建節校尉還隸馬邑鷹揚府太守王仁恭頗愛遇之令總虞候直閣下久之盜仁恭侍兒懼覺被誅稱疾臥家豪傑往候多椎牛縱酒語曰今盜賊方起衆復大飢而官粟徒紅腐誰能與我共取之諸惡少皆願從遂與其徒張萬歲等十餘人候仁恭視事武周上謁萬歲自後入斬仁恭持首出徇郡中無敢動者遂開倉賑窮乏馳檄屬城皆下得兵萬餘自稱太守遣使附突厥隋雁門丞陳孝意虎賁郎將王智辯合兵來討圍桑乾鎮會突厥大至與武周共擊破智辯隋師敗績孝意奔還雁門爲人所殺以城降武周因襲破樓煩郡入據汾陽宮取宮人賂始畢可汗可汗報之以馬兵威益振乃攻陷定襄復歸馬邑突厥立武周爲定楊可汗遣以狼頭纛僭稱皇帝妻沮氏爲后建元天興以衛士楊伏

念爲左僕射苑君璋爲內史令初上谷賊宋金剛有衆萬餘與魏刀兒連和因收刀兒爲竇建德所敗餘衆四千保西山建德招之不從至是率衆來歸武周得之甚喜封爲宋王委以軍務中分家產遺之金剛亦自結出其妻而聘武周妹說同取晉陽南向以爭天下更授金剛西南道大行臺武德二年令率兵二萬入侵并州次黃蛇鎮連衡突厥破榆次敗齊王拔介州進圍太原詔遣太常少卿李仲文禦之爲金剛所執舉軍皆沒仲文逃還又破平遙畧涪州詔裴寂爲晉州道行軍總管拒戰敗績齊王委并州近武周入據之遣金剛攻陷晉州執劉弘基進破澮州呂崇茂自號魏王以應賊陷河東守將王行本亦與之合關中震動高祖詔秦王督兵進討屯于栢壁永安王孝基與于獨孤懷恩唐儉等攻夏縣不克軍城南崇茂與武周將尉遲

敬德襲破孝基軍四將被執敬德還澮州王邀戰破之於美良川敬德與別帥尋相援王行本於蒲武周攻仲文於涪州不勝遣將黃子英護饑道爲驃騎將軍張德政襲斬之降其衆金剛圍絳州糧乏卒飢引去王追至雀鼠谷日中八戰皆捷斬級數萬獲輜重千乘遂走介州官軍追之以餘衆二萬出西門背城而陣旣戰小郤王以精騎突擊破之金剛將輕騎去敬德遂降相與萬歲等收其精兵復介州武周引騎棄并州北走突厥金剛收散卒將還懼衆不爲用亦以百騎奔突厥并州平河東地盡復未幾金剛背突厥欲還上谷爲其追騎斬之武周亦謀歸馬邑計露突厥殺之自起兵六年而滅

苑君璋馬邑豪也以趨雄自奮妻劉武周妹當武周引衆南向君璋說曰唐舉一州定三輔所向風靡此殆天命不可以人謀

張熊錄
爭今太原而南地多險阻。若懸軍深入。後無所繼。萬一有失。勢不可償。不如連和突厥。結援朝廷。南面稱孤。此上策也。武周不聽。遣守朔州。未幾果敗。泣曰。不聽君言。乃至於此。卽與其趨突厥。武周既死。突厥立君璋爲大行皇帝。統舊部曲。令郁射設監兵。助之。君璋進寇代州。刺史王孝德拒戰。却之。故將高滿政勸曰。突厥無親。不可久居。請盡殺其衆。以歸唐。君璋不從。乃自舉馬邑來降。詔拜滿政朔州總管。封榮國公。明年君璋與突厥復攻馬邑。殺滿政。罄其黨而去。退保恒安。部下多中國人。往往叛去。君璋勢窮。乃請降。高祖許之。遣鴈門人元普賜以鐵券。會頡利亦名之意。猶豫。子孝政諫曰。大人許唐降。又從頡利。是自取亡也。今糧盡衆攜。若不卽。恐於用變。生不忍見禍之酷也。卽單騎南奔。君璋喻返之。名衆與議。恒安人郭子威說曰。恒安故王

者。都山川足以自固。突厥方疆我藉。其援可觀。天下變何遽降也。君璋然之。執元普送突厥。頡利德之。遣以錦裘羊馬已而見。頡利政亂。必亡。率所部來降。拜安州都督。封芮國公。賜食邑五百戶。帛四千匹。爲人不通書史。然天資習事。歷職有惠。稱貞觀中事。

高開道。滄州陽信人。世業鹽。少趨勇。走及奔馬。隋末依河間賊格謙。木甚奇之。會謙爲隋兵圍捕。左右奔散。無救者。開道獨身決戰。殺數十人。捕兵解。謙得免。由是知名。引爲將軍。謙滅。與黨亡。匿海曲。復出。剽滄州衆。稍附。得數百人。北掠戍堡。自臨渝至懷遠。皆破之。遂引兵圍北平。未下。隋守將李景自度不能支。拔城去。入據其地。武德元年。陷漁陽。有鐵馬數千。衆萬人。自號燕王。先是懷戎浮屠高曇晟與其徒襲殺縣令。僞號大乘皇帝。

立尼靜宣爲耶輸皇后建元法輪遣使約開道爲兄弟封齊王
引衆從之居三月復殺曇晟并其衆仍稱燕王建元署置百官
竇建德圍羅藝於幽州藝請救開道二千騎赴之建德解去乃
因藝使請降高祖以爲蔚州總管上柱國爵北平郡王賜國姓
五年幽州饑開道許輸藝粟所遣老弱就食皆厚遇之藝悅不
以爲虞更發兵三千車數百馬驢千往請開道悉留不遣遂北
連突厥告絕於藝復稱燕國與黑闥聯兵入寇攻易州刺史慕容
容孝幹死之遣將謝稜詭降於藝請兵應接藝衆至稜縱擊破
之因導突厥俱南恒定幽易等處騷然惟患頡利將攻馬邑資
其攻具與俱拔之時天下大定欲入降自疑及覆得罪所恃突
厥曰安然將士多山東人思歸人心頗離開道有親兵數百皆
勇敢士號爲義子恐諸將亡匿常令在閣內護衛而黑闥亡將

張君立因敗亡歸與開道愛將張金樹每督義子及是將爲變
潛令左右數人僞爲義子入閣陰絕弓弦取刀聚牀下旣蹊而
出與其徒攻之諸義子將搏戰亡弓刀張君立舉火外應閣下
大擾開道顧不免擐甲挺刃與妻妾據堂上金樹畏不敢前天
且明先縊其妻妾及諸子而後自殺金樹羅兵取養子皆斬之
亦殺君立遂歸國自開道起兵凡八年滅以其地爲媯州拜金
樹北燕州都督

徐圓朗兖州人隋末據本部爲盜以兵徇瑯琊以西北至東平
盡有之附于李密密敗歸竇建德僞授兖州總管封魯郡公黑
闥兵起朝命盛彥師安輯河南抵任城圓朗執之以應自號魯
王黑闥僞授大行臺元帥統兗鄆陳杞伊洛曹戴八州諸郡響
應濟州別駕劉伯通執刺史竇務本譚州刺史李義滿殺齊州

都督王薄皆叛附之秦王破黑闥遣兵屯濟陰經畧之汴州總
管王要漢又敗圓朗兵執周文舉圓朗懼河間人劉復禮說曰
彭城有劉世微才畧不常相貌異士夫許其必王若迎立之
功無不濟圓朗謂然彥師以世微若聯叛禍且不解謬以雀讓
用李密爲說圓朗又信之迎世微至奪其兵以爲司馬遣劉地
所至皆下忌而殺之會淮安王神通與李世勣合兵攻圓朗兵
數敗總管任瓌遂圍兗州百姓爭踰城出降圓朗窮迫棄城與
麾下數騎夜亡爲野人所殺

蕭銑後梁宣帝曾孫祖巖開皇初叛隋降陳陳亡文帝誅之銑
少貧傭書自給事母盡孝煬帝時以外戚授羅川令時隋政不
綱大業十三年岳州校尉董景珍雷世猛軍帥鄭文秀許玄徹
萬瓚徐德基郭華沔人張繡等共謀反叛推景珍爲主自顧衆

心不厭銑故梁裔寬仁大度有武皇遺風可推以應天順人卽
遣人往告銑報書曰先君昔事隋職貢無廢貪我土宇滅我宗
祚我是以痛心疾首思刷厥耻今天誘乃衷公等降心將復梁
緒徼福于先帝吾敢不糾厲士衆以從卽募兵數千揚言跡盜
將以應景珍會潁川賊沈柳生寇羅川諸將出戰不利銑語其
衆曰吾先人昔都此地造名柳生亦當從我衆皆大悅乃以是
年十月自稱梁公旗幟服色悉用其舊柳生以衆歸銑僞授車
騎大將軍不五日遠近爭附衆至數萬趨于巴陵景珍遣德基
與華率彊姓數百迎謁先見柳生柳生退與其下謀曰梁公起
我最先附勳當第一今岳陽兵衆而位多誰肯爲我下不如殺
德基質其人獨挾梁公以進因殺德基詣中軍白銑銑驚曰今
欲撥亂遽自相屠我不能爲若王矣步出軍門柳生懼伏地請

弘簡錄 卷七十一
罪銑責宥之陳兵而進景珍慮柳生凶賊共處必將爲亂遂謀
斬之乃築壇城南柴告上帝改號梁王有異鳥適至建元鳳鳴
義寧二年僭稱皇帝署百官用梁故事追諡從父琮爲孝靖帝
祖巖河間忠烈王父璿文憲王封景珍晉王世猛秦王文秀楚
王玄徹燕王瓚魯王繡齊王楊道生宋王隋將張鎮周王仁壽
擊銑不能克隋亡鎮周與寧長真等率嶺南州縣盡降於銑時
林士弘據九江鄱陽銑遣將蘇吾兒拔豫章道生取南郡繡畧
定嶺表西至三峽南盡交趾北距漢水皆附屬焉勝兵四十萬
武德元年徙都江陵脩園廟引岑文本爲中書侍郎掌機密遣
道生攻峽州刺史許紹擊破之士死過半三年高祖詔夔州總
管趙郡王孝恭討之拔通開二州斬僞東平王蕭闢提銑見諸
將擅兵橫恣恐寢不制乃陽議休兵營田以黜其權大司馬景

珍弟爲將軍怨之謀作亂事洩被誅景珍方鎮長沙下書赦其
罪召還江陵景珍懼遣使詣孝恭降銑遣張繡來攻景珍潰而
走麾下殺之繡進尚書令亦恃功驕蹇銑又誅之素性外寬內
忌疾勝已者於是大臣舊將皆疑間多叛去銑不能禁自此愈
弱四年詔孝恭與李靖率巴蜀兵順流而下廬江王瑗由襄陽
道黔州刺史田世康出辰州道會兵圖銑僞將周法明以四州
降卽授黃州總管趨夏口道攻安州克之僞將雷長穎以魯山
降銑遣其將文士弘來拒戰清江口孝恭大破之獲關艦千艘
拔武昌當陽枝江松滋僞江州將蓋彥舉以城降孝恭靖直逼
其都值銑散兵江嶺祇留宿衛數千倉卒追集道路回遠未及
赴孝恭布長圍守之數日破其水城取樓船數千交州總管丘
和長史高士廉司馬杜之松詣靖降銑度救不至語其下曰天

不祚梁若待勢窮事迫必害百姓諸人何患無君麾眾使下守
陴者皆慟以太牢告于廟率官屬總衰布幘詣軍門降謝曰當
死者銑爾百姓無罪請無殺掠孝恭愛之獲送京師後數日救
兵十餘萬至知銑降皆送次銑至高祖讓之語不屈怒斬都市
年三十九自僭國至滅凡五年
杜伏威齊州章丘人少豪蕩不治生與里人輔公祏約列頸交
以盜羊畏縣迹捕相與亡命為盜年始十六素狡黠多算每行
剽劫眾用其策皆效嘗營護諸盜出為引入為殿其黨愛服共
推為主大業九年入長白山依左君行不得意舍去轉剽淮南
縣將軍下邳賊苗海潮擁眾鈔暴伏威脇諭之曰天下共苦隋
豪傑興義然力弱勢分不相統一若合以為疆則無事矣公能
為主吾且樂從不然一戰以決海潮懼印以其眾下之江都留

守遣校尉宋顥將兵捕擊伏威與戰偽北誘墮段椿澤中順風
縱火迫之燒死幾盡游陵賊趙破陣聞其兵少輕之名使并力
伏威乃引親將操牛酒往謁而使公祏嚴兵待變破陣悉名諸
將置酒高會方引入幕伏威遽突斬破陣眾始駭不及救復殺
數十人丁皆畏服公祏兵亦至遂并其眾至數萬攻安宜屠之
隋遣虎牙郎將來整致討戰于黃花輪伏威大敗身被重創與
公祏皆亡去收餘卒八千與虎牙郎將公孫士哲復戰鹽城覆
其軍煬帝遣右禦衛將軍陳稜討之久不敢出遣以巾幗始帥
兵至伏威迎擊稜軍射中其額怒曰不殺汝矢不拔大呼入陣
四面衝擊眾披靡獲所射將使拔已箭斬之攜其首復入稜軍
示之又殺數十人遂大潰稜走而免進破高郵引兵渡淮攻歷
陽據之自稱總管分兵徇屬縣皆下江淮羣盜爭附伏威選敢

死士五千號上募厚待之與均甘苦每攻取必先登闕劍在背者殺之所掠獲悉以分給有戰死以其妻殉故人自奮宇文化及授以歷陽太守不納徙丹陽自稱大行臺始進用士人繕利兵械薄賦歛除殉葬法民姦若盜及吏受賕皆殺無赦上表越王侗以爲東南道大總管封楚王時秦王方討世充遣使招懷伏威乃獻款高祖授東南道行臺尚書令江淮安撫大使上在國封吳王賜姓李豫屬籍其子德俊爵山陽公仍給帛五千段馬三百匹伏威遣其將陳正通徐紹宗以兵會取世充之梁郡又遣王雄誕討李子通於杭州禽以獻破汪華於歙州置江淮東淮南地南屬嶺東至于海及平劉黑闥秦王師次曹亮伏威懼請入朝拜太子太保兼行臺尚書令留京師位在齊王上以龍之晚喜神仙餌雲母被毒武德七年二月暴卒後公不反

矯伏威令以給衆高祖詔追削官爵屬籍沒入家產太宗知其寃貞觀元年復官爵以公禮葬仍還其子封有養子二十人皆壯士惟馮稜王雄誕知名 馮稜同邑人貌魁雄勇兩刃刀長丈餘名曰批刀一揮殺數人前無堅敵戰江淮間以功顯著左將軍部兵皆羣盜橫相侵不稜案罪殺之雖親故不私以後令行禁止從入朝拜左領軍將軍越州都督討輔公祏戰于青山陣左接脫兇終示衆曰不識我耶尚敢與戰其徒多傷部氣遂索平有拜者然頗自伐公祏被禽誣稜預及謀其貲產在丹陽者悉悉籍沒之怒稜自訴遂誅稜 王雄誕曹州人少疆果有力絕人初起用兵戰多克著驍騎將軍李子通初與伏威合後憚其才襲之伏威被刺墮馬雄誕負逃澤中哀嘯散亡來整敗時別將西門君儀妻王氏勇決而力負伏威走雄誕總摩下

壯士以從追兵至遂拒被數創氣彌厲由是得脫軍中以年之多寡號稜大將軍雄誕小將軍公和敗李子通乘勝追之友爲所擠士皆走壁雄誕獨提私卒數百銜枚夜往乘風火之遂大敗歙守汪華在郡稱王且十年還師攻之華率勁甲出新安湖拒戰雄誕伏兵山谷以弱卒快之會暮還伏兵已據洞口不得歸遽而縛降間人遂安據崑山無所屬伏威使討之雄誕謂邑險而完攻之靡日遂甲騎造壘門陳國威靈開曉禍福遂安即降論前後功授歙州總管封宜春郡公伏威入朝留公和居守以兵屬雄誕副之陰誠以無容公和爲變公和乃縱反間陽言得伏威教責其貳已雄誕素質直亟歸臥病公和奪其兵遣君儀往諭雄誕謝曰雖死詎不相從公和益之生平愛人善撫士能致下死力每破城邑整衆山立無絲毫犯死之日江南士庶

之流涕高祖嘉其節以子世果襲爵太宗贈左驍衛大將軍越州都督諡曰忠世果垂拱初至廣州都督安西大都護輔公和齊州臨濟人伏威號總管僞授公和長史使將精卒渡江擊李子通衆十倍其鋒銳甚公和命選甲士千人操長刀居前別以千人隨之而已以其衆燬令曰郤者斬俄而子通方陣以進長刀千人皆死鬪公和從後縱左右翼搏之子通大潰降其衆數千武德二年詔授淮南道行臺左僕射封舒國公伏威與公和少相愛又兄事之故軍中呼爲輔伯尊禮嘗後伏威稍忌之乃署養子稜左將軍雄誕右將軍推公和爲僕射陰解其柄自是怏怏不平與故人左游仙僞學辟穀以自晦旣而游仙說公和及詐言伏威不得還貽書令公和起兵因僭卽僞位國稱宋都陳故宮署百官僞授游仙兵部尚書東南道大使越

州總管增修器械轉漕糧遣將徐紹宗侵海州陳正通寇壽陽
唐遣李孝恭趨九江取蕪湖下梁山三鎮李靖下宣城黃君漢
出譙郡李世勣由淮泗四面討之任瓌拔揚子城降偽將龍龜
遂據揚州公昶復遣將馮惠亮陳當世屯博望山正通紹宗屯
青林山拒戰孝恭率諸將破之惠亮正通走靖追躡百餘里衆
悉潰餘騎奔丹陽公昶懼棄城奔會稽就左游仙兵數萬夜至
毗陵從者裁五百僞將吳驤孫安謀執之復棄妻子與腹心數
十斬關遁抵武康爲野人所執送丹陽孝恭斬之傳召京師自
與伏威起距公昶死凡十三年

沈法興湖州武康人陳廣州刺史恪子隋末爲吳興郡守東陽
賊樓世幹畧其郡煬帝詔與太僕丞元祐討之及間帝被弒自
以世居南土宗族數千遠近嚮服乃與昶將孫士漢陳果仁執

昶號令遠近以誅宇文化及爲名義寧二年三月發東陽行收
兵將趨江都先下餘杭比至烏程衆至六萬毗陵而守路道德
拒之約與連和因襲殺之入據其城遣果仁攻丹陽破賊帥樂
伯通江表十餘州相繼定自署江南道總管聞越王侗立上書
稱大司馬錄尚書事天門公承制置百官僞授果仁司徒士漢
司空蔣元超左僕射殷芊徐令言左右丞劉子翼選部侍郎李
百藥爲掾及侗被廢武德二年僭稱梁王建元延康易隋官儀
用陳氏故事自謂南方諸城可攻而平專立威刑將士細過輒
肆誅戮無矜恤心由是上下攜解時諸雜竊據者衆毘陵要衝
三面受敵軍數挫劬俄遣子綸救江都陳稜反爲李子通所敗
乘勝渡江破京口使將蔣元超拒之於虔亭大敗死之法興懼
棄城與左右數百投闕人遂安遂安遣將葉孝辯迎之已而法

與中悔將殺孝辯趨會稽爲所覺自沉於江凡三年滅
李子通沂州人少貧以漁獵爲生家無儲蓄而好周人急見
斑白負戴者必代之隋末依長白山賊左才相以武力爲所親
任鄉人有陷者經護之時羣盜多暴恣獨推子通仁愛歸者日
多不半歲有徒萬人才相畏忌之乃自引衆渡淮與杜伏威合
爲隋將來整所破奔于海陵衆復歸之自稱將軍大業十一年
僭號楚王率兵攻江都總管陳稜稜窮乞師於沈法興杜伏威
伏威自將屯清流子通納信毛文深川閭募吳人詐爲法興兵
夜襲伏威二人交惡子通得悉力取江都入而據之盡俘其衆
因僭卽帝位國號吳建元明政齊賊樂伯通先守丹陽卽以萬
衆來歸僞授左僕射又敗法興兵取晉陵降李百藥以爲內史
侍郎典文檄殷牟爲太常卿司禮樂江南士人多歸之已而輔

公和攻拔丹陽進屯溧水子通戰敗糧且盡復溧江都保京口
伏威盡得其地俄東走太湖袁散兵二萬襲破吳郡入據餘杭
率官屬都焉東舉會稽南距嶺西抵宣城北太湖悉有之武德
四年伏威遣王雄誕來侵戰于蘇州子通敗退保餘杭雄誕進
傅城復遣將陳當率兵千人出其不意乘高蔽岨多張疑幟糾
炬徧山澤子通窮蹙請降伏威受之并樂伯通送京師高祖薄
其罪賜宅一區田五頃資予頗厚及伏威來朝子通語伯通曰
東南未靖我故兵多在江外若收之可建大功相與偕亡及監
州爲關吏所獲並伏誅

朱粲亳州城父人初爲縣吏大業中從軍伐長白山賊亡命爲
盜號可達寒賊不務稼穡專以劫掠爲資自稱迦樓羅王衆至
十萬度淮屠竟陵沔陽轉剽山南所至殘戮無遺噍類毀城隳

擊諸盜中尤其忍虐僭號楚帝建元昌達攻拔南陽義寧末山
南撫慰使馬元規討之軍大敗收餘衆復振至二十萬陷鄧州
刺史呂子臧死之時荒亂相襲富者稍有窖藏皆爲發食遷徙
無常去輒燔屠百姓大饑路死者枕藉軍亦匱竭至掠婦人小
兒悉食之初引隋著作佐郎陸從典通事舍人顏愍楚爲賓客
後兩家盡爲所食俄而諸賊懼皆逃散鄭元壽與戰商州敗之
顯州首領楊士林田瓚合兵旁郡響應相聚攻之大戰淮源黎
敗孛殘衆奔菊潭遣使乞降高祖以前御史大夫段確假散騎
常侍往勞之確醉戲黎曰君膾人多矣若爲味黎曰膾炙肥人
珍味莫有加者若噉嗜酒人正似糟豚確慙罵曰狂賊黎卽收
確下坐并從者數十悉饗之以饗左右遂屠菊潭奔王世充署
龍驤大將軍東都平斬洛水上恨之者競擲瓦礫擊其尸須臾

若家

林士弘饒州鄱陽人隋季與鄉人操師乞起爲盜師乞自號元
興王建元天成據豫章以士弘爲大將軍隋遣治書侍御史劉
子翊討賊射殺師乞士弘收其衆復戰彭蠡湖子翊敗死兵遂
大振衆十餘萬據虔州自號南越王俄僭號稱楚帝建元太平
任其黨王戎爲司空侍御史鄭大節以九江郡下之臨川廬陵
南康宜春皆殺守令以附北盡九江南番聞悉有之後蕭銑以
舟師破豫章士弘獨有南昌虔湖之地銑敗其亡卒稍歸之
復振孝恭招降循湖二州武德五年士弘弟鄱陽王藥師以兵
二萬圍循州總管楊世畧破斬之士弘請降王戎亦獻南昌地
詔爲總管士弘復遁保安城山誘潰亡謀復亂袁州人相聚應
之士弘死其黨乃散

張善安兗州方輿人年十七亡命爲盜轉掠淮南會孟讓敗得
其散卒八百襲破廬江郡依林士弘不見信憾之友襲士弘焚
其郛去保南康蕭銑取豫章遣將蘇吾兒守之善安奪據其城
俄舉以降授洪州總管與輔公柘同反僞授西南道大行臺掠
孫州執總管王戎又襲殺黃州總管周法明會李大亮兵至爲
開曉禍福答曰反非已意爲部下誑誤今降易耳但懼不免奈
何大亮曰總管若降吾固不疑因獨入其陣相與握手交談示
無猜意善安大喜將數十騎詣大亮營方引入命壯士執之騎
驚走悉兵來戰大亮諭以善安自歸何庸鬪爲其黨罵曰總管
賣我遂潰送于京師高祖赦之後得與公柘交通書乃伏誅
梁師都朔方人族姓強衆郡推蒙右仕隋爲鷹揚府郎將大業
末罷歸結徒爲盜殺郡丞唐宗據郡反自稱大丞相聯兵突厥

敗隋將張世隆因畧定雕陰弘祖延安自爲梁國僭皇帝位怒
天於城南坎地瘞玉得卽以爲瑞建元永隆始畢可汗遣以狼
頭纛號大度毗伽可汗解事天子尊以兵居河南地拔鹽川郡
武德二年寇靈州長史楊則擊走之又與突厥千騎營野豬嶺
延州總管段德操勒兵不戰以挫其鋒伺其氣懈遣副總管梁
禮進擊德操自以輕騎從旁乘之遂大潰遂北二百里俘馘甚
衆後數月又以步騎五千來寇德操盡屠之降其衆將張舉劉
曼師都懼遣尚書陸季覽說處羅可汗引兵而南已爲鄉道已
而處羅死兵不出六年其將賀遂索周以所部十二州降德操
悉兵攻之拔東城師都保西城不敢出復求救突厥頡利以萬
騎赴之師都先因信讒殺降者稽胡帥劉金成其下多疑懼叛
去師都日益威親往朝頡利誘使南畧自此盜邊無寧歲入窺

渭橋後突厥政亂師都勢危太宗諭使歸不從詔夏州長史劉
曼司馬劉蘭經畧之所獲生口縱以為問君臣離撓頻出輕騎
蹂其禾稼城中饑虛天狗星忽墮其城其健將辛獠兒李正寶
馮端謀執降不果正寶挺身來歸貞觀二年曼與蘭表上可取
之狀詔柴紹薛萬均并力致討曼以勁卒直據朔方東城以逼
弟洛仁斬師都降詔以其地為夏州擢洛仁右驍衛將軍朔方
郡公自起至滅凡十二年

劉季真離石邊人父龍兒大業十年舉兵自稱王以季真為太
子第六兒為永安王鋒甚銳將軍潘長文連年擊不能下後虎
賁郎將梁德襲破龍兒殺之眾乃散唐兵起六兒復為盜附劉
周季真從之白號太子王六兒為拓定王迭為邊害武德二

年昭石州刺史王儉死之詔西河公張綸真鄉公李仁文合兵
討之季真懼而來降詔以為石州總管賜姓李氏封彭城郡王
季真見宋金剛戰渝州勝負未決復連武周及敗秦王執六兒
斬之季真奔高滿政俄被殺

郭子和同州蒲城人仕隋為左翊衛以罪徙榆林大業末郡饑
與死士十八人執郡丞王才數以不郵下斬之遂開倉賑窮乏
自號永樂王建元正平號其父為太公以弟子政為尚書令子
端子升為左右僕射有騎兵二千南連梁師都北事突厥納弟
子升為質始畢可汗冊為平楊天子不致當乃更署為屋利設
武德元年獻款授靈州總管金河郡公徙鄜國公襲梁師都寧
朔城克之每伺突厥虛實陰以章聞為邏騎所獲處羅可汗怒
囚子升子和危畏舉部南徙詔於延州故城居之五年從平劉

黑闥有功賜以國姓拜右武衛將軍貞觀元年賜實封二百戶
十一年除婺州刺史徙夔國公顯慶初轉黔州都督乞骸許之
進金紫光祿大夫卒

羅藝字子延襄陽人後家京兆父榮隋監門將軍藝性桀黠剛
愎不仁勇攻戰善用槊大業中以力戰補虎賁郎將遼東之役
以兵從武衛大將軍李景督饜北平分部嚴整然任氣嘗慢侮
景頗爲所辱時天下盜起涿郡號富饒加以伐遼兵仗倉庫盈
羨臨募宮復多珍寶雖屯師數萬遇盜來侵留守趙什任賀蘭
誼晉文衍等輒不能支藝勇冠諸將數破強寇人多畏忌之乃
陰自詭以激衆怒曰吾軍討賊數有功而食乏今官粟若山而
留守不行賑卹豈安人強衆意哉聞者皆怨旣而旋師郡丞郊
謁藝執之陳兵而入什任等懼皆聽命藝卽發庫貲賜戰士倉

粟給窮民境內大悅殺其已者太守唐禕以下數人威動北邊
柳城懷遠並歸附黜太守楊林甫改柳城郡曰營州以襄平太
守鄧暠爲大總管藝自稱幽州總管宇文化及遣使招降藝自
謂隋舊臣義不貽辱斬使者爲煬帝發喪時建德閒道亦遣使
來招復以爲劇賊不足其功名欲決意歸唐會張道源撫輯山
東亦論藝降武德三年乃奉表以其地歸詔封燕王賜以國姓
豫屬籍數與建德戰多所禽讎秦王擊劉黑闥遣其弟監門將
軍壽以兵從而自率衆數萬破賊弟劉什善於徐河突厥入寇
復以兵與皇太子會洛州遂請入朝帝厚禮之拜左翊衛大將
軍自負其功遇秦王左右至者常痕辱之帝怒以屬更久乃釋
時突厥橫肆藉藝威名憚敵詔以本官領天節軍將鎮涇州太
宗卽位進開府儀同三司藝內不自安乃圖謀反詭言闕武兵

阮集稱彼密詔入朝軍至涇州治中趙慈皓出謂遂入據之帝命長孫無忌尉遲敬德擊之未至慈皓與統軍楊岌潛謀誅藝藝覺執慈皓囚之時岌在城外急攻之藝敗棄妻子從數百騎奔突厥抵寧州騎稍亡左右斬之傳首京師岌子都壽時為利州都督亦誅

世曰妖彗肆告倏忽且天滅不淹晷禍不踵旋圖王僭帝凶德相纏所益幾何為獺為鸛

引簡錄卷七十一

明刑部員外郎仁和弘齋邵經邦學

皇清翰林院侍講學士四世孫遠平校閱

附載

吳楊行密 子渥隆演溥 南唐李昇 子景孫煜

前蜀王建 子衍宗壽附 後蜀孟知祥 子昶孫元詰元珪弟

伊密徵 幸寅遜 韓保正 王昭遠 趙延隱 高彥儔

楊行密字化源廬州合肥人少孤及長豪雋有勇能手舉百斤

與里人田頌陶雅劉威相善唐末起從江淮為羣盜刺史鄭棨

捕獲奇其狀貌陰縱之後應募為州兵能日行三百里州遣通

于蜀如約而還戍朔方遷隊長歲滿軍吏忌者使復戍別所將

行過吏舍陽為好言問行何所欲行密奮曰欲公頭耳即斬而

出因起兵爲亂自號八營都知兵馬使刺史郎幼復棄城走遂入據廬州高駢表爲刺史乃以頽爲八營都將陶雅左衝山將討定山盜駢將呂用之恐其不可制遣俞公楚以兵五千屯谷淝名爲討巢而陰圖之行密擊殺公楚秦宗權遣弟宗衡渡淮取舒城又破走之駢署行密行軍司馬使拒畢師鐸行至天長聞駢被囚而秦彥已入揚州遂屯于蜀岡師鐸率衆出擊行密陽敗棄營走師鐸兵爭入營取貨乃反兵奮擊師鐸大敗單騎走還行密攻其西門彥及師鐸奔于東塘行密遂入揚州城中倉廩空竭饑民相食度不能守欲奔蔡州彥等復合宗衡攻之行密乃閉城不出已而孫儒殺宗衡攻破高郵行密益懼其客袁襲勸殺海陵鎮遏使高霸以并其衆得兵數千朱全忠自領淮南表行密節度副使以誦馬李璠知留後行密大怒不納更

以知觀察留後時孫儒勢彊赫然有吞吳越之意行密欲遁保海陵襲曰海陵難守廬州吾舊治也城廩完實可爲後圖久之襲又勸取宣城趙錚引兵戰于曷山大敗之錚棄城走行密遂入宣州昭宗授檢校司徒宣歙觀察使乃籍銳士數千皆蒙皂衣甲號黑雲都使李簡將之又併盱眙曲谿二屯籍爲左右黃頭軍以李神福爲黃頭都尉分遣攻浙西取蘇常潤三州二年取滁和州景福元年取楚州凡七年定其八儒驅衆渡江來攻行密以持重困之當其饑疫擊敗擒之拔舒州以神福爲刺史乾寧二年復入揚州加檢校太傅同平章事淮南節度使封弘農郡王以田頽守宣州安仁義守潤州昇州刺史馮弘鐸來附分遣頽等襲濠州執刺史張璠以劉全守之進取壽州敗汴將劉知俊復攻蘇州擒刺史成及以朱黨守之朱延壽拔蘄光二

州以爲團練使霍丘路當南北走集以邑豪朱景爲鎮將初行
密兵皆江淮人輕弱適兗州朱瑾爲梁所敗來奔太原將李承
嗣史儼史建章皆降得其勁騎兵勢益振四年梁遣葛從周龐
師古攻壽州命瑾迎擊遂殺師古追從周至泚河又敗之五年
錢鏐及周本戰于白方湖本敗蘇州復入于越天復元年遣神
福攻越戰臨安擒鏐將顧全武以歸二年弘鐸復叛襲宣州田
頽敗之神福代刺昇州昭宗在岐遣江淮宣諭李儼拜爲東面
諸道行營都統檢校太師中書令封吳王得承制封拜詔與河
東等八道同攻朱全忠乃以瑾領平盧軍山海州取青齊弘鐸
領感化軍出漣水攻徐宿延壽領奉國軍圍蔡州神福爲鄂岳
招討攻武昌杜洪以率全忠兵青州王師範被梁兵求救遣王
茂章赴之大敗梁兵殺朱友寧全忠大怒自將來擊復敗之以

後再督兵行至宿州輒還先是頽與我延壽同起微賤佐行
密破孫儒及江淮甫定行密思漸休息以三人皆猛悍難制頗
欲除之會錢鏐叛將徐綰許再思召頽攻鏐垂克而行密納鏐
賂命頽解兵頽歸而謀反行密別遣臺濛爲宣州觀察使擊頽
頽敗死仁義乃沙陀叛將以善射自負軍中素推米志誠善射
朱瑾善槊仁義大言曰志誠弓小不當朱瑾槊一瑾槊小不當
仁義弓一及聞頽死亦反焚東塘以襲常州刺史李遇追至夾
岡仁義復入潤州行密遣王茂章李德誠等圍之茂章穴地道
入取仁義斬之卽以領潤州團練使延壽者夫人朱氏之弟疑
後必反乃陽爲目疾給夫人曰吾兒子皆不足任事思得延壽
付之夫人喜急召延壽至則迎于寢門刺殺之併嫁朱夫人惟
神福不變頽常執其妻子招之謝曰吾以一卒從吳王起事今

爲大將。忍背德而顧妻子耶。立斬其使。軍士聞之皆感奮。遂敗
顧將王壇兵于吉陽磯。時杜洪危甚。天祐二年遣劉存執斬之。
以存爲刺史。襄州趙匡凝聞之來降。行密雖起盜賊以僭竊得
志。然寬仁雅信。能得士心。其將蔡儔叛。悉毀行密墳墓及儔敗
諸將請報。嘆曰。吾以此歸惡。何忍復爲。嘗使從者張洪負劍而
侍。洪乘間擊行密。不中。死後復用所善陳紹。負劍不疑。顧攻下
歙州。刺史裴樞有美政。民愛之。以禮送還朝。蘇州刺史成及被
執。聞及素廉介。毀其室。惟圖書藥劑。將辟爲行軍司馬。及遽引
刃自刺。乃厚禮歸之。嘗罵其將劉信。信醉奔孫儒。戒左右勿追。
曰。醒必復來。明日果至揚州。承孫儒亂。能約已省費。不三年富
雄數倍。嘗過楚州臺。濛盛供帳以待。及去。遺衣臥內。皆經補完。
濛大慚。見茂章營第。嘆曰。天下未定。志乃在此。尚肯爲我忘身。

乎。方帝東遷。恥憤被病。及聞被弑。發喪不視事。因是病篤。薨年
五十四。諡曰武忠長子渥。立溥僭號。後追尊爲太祖。武皇帝陵
曰興陵。渥字承天。幼弱不任事。而大將劉威有威。望嘗命代
主軍政。行密病出渥爲宣州觀察使。徐溫私謂渥曰。今王有疾
而出。冢嫡此必有姦。臣之謀若他日有名。非溫使。慎無應命。渥
泣謝而去。尋病甚。命判官周隱作符名渥。隱持兩端。未發。溫與
嚴可求入問疾。聞之大驚。遽詣隱所。急取符名渥。渥見溫使者
卽行。遂代立名。隱殺之以王茂章代爲宣州觀察使。茂章尋得
罪。奔錢塘。梁代唐。敗元渥。仍稱天祐三年。鍾傳卒。子匡時代立。
渥以秦裴爲江西制置使。與劉存率兵往攻。執之以歸。馬殷復
取岳州。獲存。并刺史陳知新。殷素聞其名。欲活之。存等大罵不
屈而死。四年渥以溫專權。引宣州帳下兵三千入衛命腹心陳

潘范遇將之溫與左衛都指揮張顥惡侵其權擁牙兵就廳事
拽潘等下斬之渥不能止由是失政五年五月溫行私遣紀祥
等入寢中縊殺渥時年二十三諡曰景後追尊烈宗景皇帝陵
曰紹陵 仲弟隆演字鴻源初名瀛又名渭溫顥始謀弑渥約
分其地以臣於梁弑後顥欲背約自立溫患之謀於嚴可求答
曰顥雖剛愎而闇於成事此非易為明日顥列戟府中召諸將
議事自大將朱瑾而下皆去衛從然後入顥三問誰所當立皆
莫敢對可求密啓顥曰方今四境多虞非公主之不可然恐為
之太速外有劉威陶雅李簡李遇皆先王時人也未知此輩能
降心否不若輔立幼主漸以歲時待其歸心然後為可顥不能
對可求因趨出為渥母史氏教言楊氏創業艱難而嗣王不幸
隆演以次當立告諸將以無負楊氏而 事之辭旨激切聞者

感動顥氣色皆沮卒無能為隆演乃得立顥由此與溫有隙諷
隆演出溫潤州可求復以計留行軍副使李承嗣與顥謀遣客
刺可求不能中明日可求詣溫謀就衙堂執殺顥自此政事一
出于溫隆演備位而已六月撫州危全諷袁州彭彥章吉州彭
玕信州危仔倡皆起兵叛時大將周本攻蘇州敗歸慙不肯出
因可求薦彊起之本曰前敗非怯也乃上將權輕而下多專命
爾若必見任願無用副從之戰于象牙潭執全諷彥章玕遂奔
楚仔倡奔越八年徐溫領昇州刺史治舟師於金陵宣州李遇
自以勳位高憤溫用事嘗輕之曰徐溫何人溫聞之怒以王壇
代遇遣柴再用以兵送之遇不受命再用使客何蕘說遇使自
歸遇出再用乃殺之并族其家九年溫率將吏進隆演位太師
中書令溫為行軍司馬梁遣王茂章攻壽春敗之于霍丘陳章

攻楚取岳州執其刺史苑攻十二年溫鎮潤州以子知訓為行軍副使秉政惟大事遙決于溫知訓驕侮諸將欺隆演幼弱尤凌忽之嘗使酒謾罵隆演愧恥涕泣而走左右扶侍者悉殺之吳人仄目冬濟楊林江水中出火燄可以燃十三年宿衛將李球馬謙謀亂以誅知訓為名挾隆演登樓取庫兵陣于門橋知訓與戰頻却副都統朱瑾麾外兵進遂斬球謙餘兵皆潰十五年四月瑾殺知訓攜其首入府中亦自殺米志誠聞有變被甲率其家兵至天興門聞瑾已死乃還溫疑志誠助瑾與可求謀殺之恐事不克使人偽從湖南境上來告軍捷名諸將入賀因擒斬之六年春三月溫率將吏請隆演即天子位不許巖可求見溫謀曰唐亡於今十二年吳兵猶不敢改天祐可謂不負唐矣然吳所以征伐四方而建基業者常以興復為辭今聞河上

之戰梁兵屢紬若李氏復興其能屈節乎宜於此時先建國以自立溫深然之夏四月溫奉玉冊寶綬尊隆演即吳王位建宗廟社稷置百官如天子之制改天祐十六年為武義元年大赦境內追尊行密孝武王廟號太祖滌景王廟號烈祖拜溫大丞相都督中外諸軍事封東海郡王知誥左僕射參知政事可求門下侍郎駱知祥中書侍郎殷文圭沈顏翰林學士盧擇吏部尚書李宗陳璋左右雄武統軍柴再用錢鏐左右龍武統軍王令謀內樞使江西劉信征南大將軍鄂州李簡鎮西大將軍撫州李德誠平南大將軍廬州張崇安西大將軍海州王綰鎮東大將軍文武以次進位封宗室皆郡公時隆演年少權在徐氏建國稱制皆非本意常怏怏酣飲稀復進食搆疾以卒年二十四後追尊為高祖宣皇帝陵曰肅陵行四初封丹陽郡公

兄廬江郡公濛當立以徐氏秉政不欲長君乃立溥改元順
七月改昇州大都督府為金陵府拜溫為尹冬十一月祀天於
南郊御天興樓赦境內拜溫太師可求右僕射三年唐莊宗滅
梁遣司農卿盧蘋使于唐可求密條數事授之至洛陽莊宗果
問次第以對四年溥大閱舟師徐溫迎見於白沙改名迎鑾鎮
六年追尊溫四代祖考立廟於金陵進徐知詢輔國大將軍金
陵尹治溫舊鎮諸子皆封王加可求同平章事是歲莊宗崩輟
朝七日七年溫率文武上表勸進十一月庚戌御文明殿即皇
帝位改元乾貞建都金陵大赦境內上追尊廟號二年正月封
東海為廣德王江瀆廣源王淮瀆長源王馬當上水府寧江王
采石中水府定江王金山下水府鎮江王六月荆南高季興來
附封為秦王九月季興敗楚師於白田獲其將吏三十餘人來

獻二年十一月溥加尊號府聖文明孝皇帝大赦境內改元天
和二年開其子江都王璉為太子三年王令謀宋齊丘並開平
章事六年開正月拜令謀司徒齊丘司空七年九月溥加尊號
光孝應天弘道廣德入字大赦改元天祚後禪位徐知誥溥遷
潤州丹陽宮卒年三十八諡曰睿凡二世四主垂五十年璉妻
徐知誥女後為康化軍節度使以疾卒子孫皆遷海陵號永寧
宮嚴兵守之絕不通人久而男女自為匹偶吳人多哀憐之顯
德三年世充征淮南下詔撫安楊氏子孫李昇聞之遣人盡殺
其族周先鋒都部署劉重進得其玉硯瑪瑙椀翡翠瓶以獻楊
氏遂絕

冊曰五代迭興年僅五十楊氏一姓適符其曆誦之盜者
暴梁僭逆

徐溫字敦美海州朐山人少販鹽為盜與行密同起號三十六
英雄獨溫未嘗有戰功後用其客嚴可求謀殺朱延壽以功遷
行密指使始預謀議凡隨行密破敵諸將爭取金帛溫獨據
餘帛作粥以食餓者行密病時舊將皆戰守在外溫居帳下遂
預立溫之功既而以弑渥之罪歸張顥因盡殺紀祥等以其事
入白渥母史氏泣曰吾兒年幼禍亂若此得保百口以歸合肥
公之惠也時行密舊將皆在自族李遇人人自危溫偽為恭謹
務行詐以得吳人之心諸將乃安歷鎮海軍節度使同平章事
封齊國公兼兩浙招討使以昇潤宣常池黃六州為齊國建大
都督府鎮金陵卒年六十七追封齊王諡忠武李昇僭位號為
義祖生平猜儉多疑而善用將吏常遣李濤攻越戰于臨安被
執裨將曹筠奔越溫間遣人謝筠汝軍有求吾不能給是吾過

也今欲用汝為將汝妻子吾厚遇之秋越人攻毗陵溫戰于無
錫筠感前言臨陣奔歸遂敗越兵又遣王祺會洪袁信三州兵
攻虔州久不克以劉信代之將使人說降譚全播來告溫怒曰
信以十倍之眾攻一城不下而反用說客何以威敵答其使者
遣之因命濟師遂破全播人有誣信逗留將反者信聞之因自
獻捷與之宴歡好竟日然終疑之及唐師伐王衍急召信至廣
陵以為左統軍託以內備遂奪其地所任惟駱知祥長于理財
嚴可求善於籌畫故嘗以軍旅問可求國用問知祥

李昇字正倫徐州人世本微賤父榮遭唐末亂不知所終昇少
孤流寓濠泗間行密攻濠州得之奇其狀貌養以為子諸子頗
不能容乃以昇溫冒姓徐氏名知誥及壯身長七尺廣額隆準
溫厚有謀事溫甚孝謹過于諸子知訓嘗名與飲伏劍士欲害

之行酒吏刁彥能以爪插之悟而走免為吳樓船軍使屯金陵以殺李遇功拜昇州刺史時江淮初定多用武夫為州縣吏專務疆兵重斂獨知誥好學接禮儒者立身自勵躬行節儉以寬仁為政民愛譽之溫將建國譚其有善政往視果見府庫充實城壁修整乃徙治之而轉知誥刺潤州既而徐知訓為朱瑾所殺以潤州近廣陵得先聞即日以州兵渡江定亂遂殺唐宣諭使李儼自代知訓秉政以彥能為撫州節度使務改知訓行事欲收人心乃寬刑法推恩信起延賓亭以待四方之士引宋齊丘駱知祥王令謀等為謀客凡士有羈旅者尚用之民間有婚喪匱乏往往賙給盛暑未嘗張蓋操扇天寒出衣食以濟貧民以故吳人歸心行軍司馬徐玠勸溫以已子代其秉政溫遣知詢入朝廣陵玠反為知誥謀誅知詢謀反留不遣斬其客將

周延望以知誥代為金陵尹知詢為右統軍知誥歷平章事太尉中書令以可求亦嘗勸溫謂二郎非徐氏子恐為後患至是出之楚州溫死知誥出鎮金陵如溫之制進封東海郡王對鏡見鬚白顧吏周宗嘆曰吾老矣功業未就奈何宗知其意馳詣廣陵見宋齊丘謀禪代齊丘以為未可請斬宗以謝不聽出為池州刺史吳江王濛怨已不得立心嘗不平乃廢為歷陽公使親信王宏以兵守之濛奔廬州節度使周本欲納其子祚止之縛送金陵見殺大和七年進位太師天下兵馬大元帥改封齊王已而閩越諸國皆遣使勸進自謂人望已歸天祚三年建齊國置宗廟社稷以宋齊丘徐玠為左右丞相十月溥遣攝太尉楊璘傳位國號齊改年昇元以金陵為西都廣陵為東都冊尊溥為高尚思元弘古讓皇帝尊溫為忠武皇帝封徐氏子知證

江王知諤饒王女郡縣公主周本以不能事二姓歸而浩嘆遂
憤惋以死二年四月百官請復姓李氏改名曰昇自言唐憲宗
子建王恪生超超生志為徐州判司已乃四世孫改國號曰唐
追尊恪孝靜皇帝廟號定宗超孝平皇帝廟號成宗志孝安皇
帝廟號惠宗榮孝德皇帝廟號慶宗以門下侍郎張居詠中書
侍郎李建勳右僕射張延翰同平章事十一月講武於銅橋步
騎八萬二年四月郊祀圓丘羣臣請上尊號不許州縣言民孝
悌五代同居者七家尤盛者江州陳氏皆旌表門閭復其徭役
四年六月晉安州節度使李金全來送款遣鄂州屯營使李承
裕迎之與晉將馬全節安審暉戰敗及裨將段處恭皆死都監
杜光鄴被執遣還與吳越錢氏約和通好不絕六年吳越大火
遣使弔問厚賜其乏時昇志在守吳舊地無復經營之略客馮

延巳常謂之其實吳人賴以休息七年卒年五十六諡曰光女
肅武孝高皇帝廟號烈祖陵曰永陵長子景立景初名景通
後眇璟避周諱復為景初蔭為駕部郎中轉諸衛將軍昇專政
付以國事拜兵部尚書參知政事出鎮金陵遷司徒平章事知
內外左右諸軍事將篡位召赴金陵為中外諸軍副都統受禪
封吳王加諸道元帥錄尚書事改王齊襲位改元保大郊祀天
地尊母宋氏為皇太后立鍾秦萍女鍾氏為皇后用宋齊丘周
宗為左右宰相常夢錫直宣政殿專掌密命馮延巳翰林學士
馮諱中書舍人陳覺樞密使魏岑查文徽副使皆以邪佞用事
吳人目為五鬼昇篡楊氏齊丘與宗最為有功事成齊丘陽入
九華山昇屢招之未幾以病出為洪州節度使景復召之陳覺
魏岑皆所引用二人有私隙譖覺於景左遷少府監齊丘亦罷

弘簡錄 卷七十二
為浙西節度使復歸九華山賜號九華先生封青陽公食一縣
二年遣查文徽及待詔臧循發兵攻建州降王元政馮延巳為
相未幾諸將爭功福州李仁達清源留從効送欵吳越軍皆潰
歸景大怒復召齊丘為太傅罷延巳為少傅岑為太子洗馬時
契丹陷中原遣使來聘以兵部尚書賈潭報之河中李守貞友
景遣朱元往救無及而還邊錡平湖湘尋復失之三年周世宗
征淮南破景衆於正陽進圍壽州趙匡胤禁兵又破景將何
延錫於渦口擒皇甫暉於滁州景大懼遣其臣鍾謨李德明奉
表願為附庸又遣孫晟王崇質獻濠壽泗楚光海六州以求罷
兵四年周師大破景軍於紫金山降其將朱元克壽州冬又克
濠泗二州景改元交泰是春周師克楚州連克揚州將議濟江
景大懼請盡割江北之地畫江為界稱臣奉貢世宗許之始

周之正朔上表稱唐國主答書用唐報回鶻可汗之制皇帝恭
問江南國主始臨汴水置懷信驛以待周使先時中原多故跨
據江淮三十餘州擅魚鹽之利卽山鑄錢物力富盛嘗試貢士
高祖入關詩頗有窺覷中土之意後因失地頗躁憤惡其大臣
宋齊丘陳覺李徽古皆殺之建隆元年宋祖受命遣使以書諭
景其將校周成等三十四人相繼來降景遣使貢銀絹賀登極
又貢銀賀平澤潞還京又貢金銀器羅綺絹匹遣禮部郎中龔
慎儀貢乘輿服御物每歲冬正端午長春節皆以土產珍異金
銀器用繒帛片茶為貢上皆御前殿曲宴以寵之景生日亦遣
使賜金幣羊馬橐駝以為常上親征李重進駐蹕廣陵復遣左
僕射嚴續犒師子蔣國公從鎰朝行在所又遣戶部尚書馮延
魯貢金買宴并伶官作樂上壽貢金銀器金玉鞍勒銀裝兵器

及錢銀綾絹皆如常數宋祖亦厚賜之既平揚州詔習馬舫戰
艦於京城之南池景懼有小臣杜著頗辭辨僞作商人由建安
渡來歸彭澤令薛良坐事責授池州文學亦挺身來奔獻平南
策景聞之益懼太祖命斬著於市配良隸廬州景乃安終以國
境蹙弱不遑寧二年遷都洪州宋遣通事舍人王守正持詔撫
之俄而景薨年六十四遣表來上廢朝五日遣使弔祭贈賻第
六子煜立遣其臣馮謐奉表願追尊帝號許之乃謐為明道崇
德文孝皇帝廟號元宗陵號順陵煜字重光初名從嘉少聰
悟喜讀書屬文工書畫知音律初封安定郡公累遷諸衛大將
軍副元帥封鄭王景始嗣位以弟齊王景遂為元帥居東宮燕
王景達為副元帥就昇柩前盟約兄弟相繼中外庶政並委景
遂參決長子冀為東都留守後又立景遂為太弟景達為元帥

封齊王冀初元帥封燕王鎮京口周師征淮吳越圍常州皆冀
部將敗之景達屯濠州兵餉遁還後因割地出景遂為洪州元
帥封晉王景達撫州元帥立冀為太子數月卒謚曰文獻從嘉
進吳王建隆二年立為太子監國其秋襲位居建康改今名立
母鍾氏為聖皇后妻周氏為國后封弟從善韓王從益鄭王從
謙宜春王從度昭平郡公從信文陽郡公長子仲寓清源公仲
儀宣城公大赦境內遣戶部尚書馮謐上表貢金銀器紗羅繒
綵且陳紹襲之意宋祖詔答不名自是朝廷凡有喪葬及出師
克捷嘉慶之事必遣使弔祭犒師修貢煜母妻喪亦遣使弔祭
乾德元年煜上表乞呼名不許詔諸軍親屬凡在江表悉令渡
江以江南荐飢特弛舊禁許諸州民過江貿易及諸監鹽場亭
戶緣江採捕遣使獻銀并龍鳳茶酒器會郊祀屢遣弟從謙從

善奉珍寶器用金帛爲貢其數皆倍於前嶺南平煜懼上表改唐國主爲江南國主唐國印爲江南國印許詔書呼名貶損制度下書稱教改中書門下省爲左右內使府尚書省爲司會府御史臺爲司憲府翰林爲文館樞密院爲光政院降封諸王爲國公官號多所改易長春節別貢錢三十萬然以性驕侈悅高談好聲色喜浮圖不恤政事宰臣湯悅以下皆諛佞阿奉大事將去內史舍人潘祐上書極諫請誅悅等數十人煜收祐下獄自縊祐乃散騎常侍處常之子少介僻杜門讀書不交人事山秘書正字虞部員外郎史館修撰知制誥宋祖留從善京師不遣以爲泰寧軍節度使煜又貢米麥雖外示畏服修藩臣之禮而內實繕甲募兵潛爲戰備太祖慮其難制令從善諭旨使來朝煜不聽開寶六年饑賜以米麥賑濟七年秋復詔赴闕稱疾

不奉詔冬乃命曹彬潘美等與師致討煜聞惶懼遣從益及潘真修來買宴貢茶絹及金銀器用乘輿服物至則留於別館王師克池州破其衆二萬於采石磯擒僞龍驤都虞候楊收等獲歲賜馬三百匹及用焚若水策遣高品石全振往荆湖造黃黑龍船數千艘載巨竹紅白荆渚而下入作使郝守濬率丁匠造浮梁以濟師王師渡江若履平地煜初以爲兒戲語其臣張洎自載籍以來長江無爲梁之理乃委兵柄於皇甫繼勳置機事於陳喬張洎以徐鉉孫元禩等傳詔每軍書告急多不時通王師傳城尚猶不知因登城見列柵於外旌旗徧野始大懼遂殺繼勳亟令朱令贇率上江甲士數萬連巨筏順流而下將斷浮梁未至爲劉邁所破又募勇士五千謀乘夜人乘一炬來襲官軍咸爲宋師所殲獲將帥悉佩符印宋太祖命李穆送從

以手詔促其降煜惑於左右之言猶豫不決王師破潤州煜危甚遣其臣徐鉉周惟簡奉方物懇求罷兵不許厚賜遣之彬屢督其清源郡公仲寓入覲將以十一月二十七日出是日城陷煜率其近臣迎拜以煜與宰相湯悅等四十五人一同露布上獻詔並釋之賜冠帶器幣鞍馬拜光祿大夫檢校太傅右千牛衛上將軍封違命侯妻封鄭國夫人從益從謙左右領軍衛從度從信左右監門衛皆大將軍仲寓左千牛衛後領郢州刺史在郡十年為政寬簡部內甚治姪仲遠右驍衛仲興季操左右武衛仲偉右屯衛仲康右領軍衛仲宣監門衛皆將軍仍各賜宅一區太宗卽位加特進封隱西郡公嘗自言貧詔增給月俸仍賜錢三百萬上幸崇文院召問卿在江南好讀書歸朝來頗讀書否煜頓首謝卒年四十二廢朝三日贈太師追封吳王從

善字子師後改右神武大將軍又推恩將佐以江直木為司門員外郎崔光習右千牛衛將軍于再興右千牛衛中郎將餘各有差

冊曰克己為仁帝嘗內愠江南何罪一言已盡所以古人伐國不問

王建字光圖許州舞陽人生而隆眉鬚狀貌甚偉少無賴屠牛盜驢販鹽為姦里人呼為王八由忠武軍卒稍遷隊將黃巢亂忠武軍將鹿晏弘以兵八千屬楊復光分為八都都將于人建與晏弘皆為都頭復光死晏弘率八都西迎駕所過剽略至興元逐節度使牛勣自稱留後僖宗卽以為節度使命建等皆領屬州刺史已而晏弘擁眾東陷陳許建與晉暉韓建張造李師泰等各率一都入蜀僖宗得之大喜號隨駕五都以屬觀軍

容使田令孜養爲己子帝還長安遂命將神策軍備宿衛光啓
元年出幸鳳翔二年再幸興元建皆爲清道使負玉璽從行至
當塗驛李昌符殺建控上馬晉煌焰中過宿坂下夜枕建
膝以寢既覺涕泣解御衣賜之後令孜貶出建爲壁州刺史始
招集亡命及溪洞部落有衆八千以攻夔州執刺史楊行遷又
攻利州刺史王拱棄城走西川節度陳敬瑄患之以問令孜答
曰吾兒也使人招之建聞名大喜因至梓州與顧彥朗有舊卽
以家屬託彥朗選精銳二千竟赴成都期見陳公求得一鎮行
至鹿頭關敬瑄悔使人止之建大怒與諸將斷髮誓作賊卽引
衆攻破關取漢州彥朗聞之出兵助建軍于學射山敬瑄遣將
句惟立逆擊而敗遂攻彭州復遣眉州刺史山行章將兵五萬
屯新繁建又敗之掠獲萬餘大發兵七萬益行章與建相持於

濠陽新都百餘日昭宗遣左諫議大夫李洵宣諭和協各節罷
兵彥朗因爲建求旌節且請以大臣鎮蜀朝命宰相韋昭度節
度西川分邛蜀黎雅四州爲永平軍拜建節度使敬瑄不受代
帝卽命昭度將彥朗等兵討之以建爲招討牙內都指揮使師
久無功川民困弊建說昭度曰唐室多故東方諸鎮兵接畿甸
公當歸相天子靜中原以固根本若此下國不足以留公昭度
遲疑未決建遣軍士擒其親吏於軍門鬻而食之入白軍士饑
須此爲食昭度大恐卽留符節與建東還京師建卽以兵阻絕
劔門行章屯廣都擊敗走之遂下彭州已而資簡戎茂喜叩諸
州聞之皆殺刺史以降建急攻成都令孜登城呼曰老夫與公
相厚何嫌而至此建曰軍容父子之恩心何敢忘然奉天子
討不受代者豈無因而至令孜夜入建軍授以節度觀察牌印

明日敬瑄開門迎建入城以張勅爲都虞候戒軍士無犯令殺百人而後定大順二年十月昭宗授建檢校司徒成都尹劍南西川節度觀察處置兼雲南八國招撫等使建復欲併東川未得以發會顧彥朗卒唐遣宦者宗道弼賫東川旌節賜其弟彥暉歸州刺史常厚執道弼以攻梓州建聞遣李簡等討厚敗之厚以旌節還道弼歸于彥暉乾寧二年復遣將王宗滌攻彥暉未克五月敗之于楸林斬其將羅璋遂圍梓州三年五月昭宗遣宦者袁易簡詔建罷兵還成都黔南節度使王肇以其地降四年遣王宗侃宗阮等出陝取渝瀘州五月復自將攻東川昭宗仍遣李洵宣諭建不奉詔責授南州刺史徙李茂貞西川節度使茂貞拒命乃復建官爵冬十月攻破梓州彥暉自殺其將顧彥瑤死之用宗滌爲東川留後俄授節度使建始有兩川之地

時茂貞兼據梁洋秦隴兵數來侵天復元年梁討茂貞兵圍者經年建遣宗滌將兵五萬聲言迎駕實攻興元執節度使李繼業而武定節度拓拔思敬亦以其地降之因併有山南西道通荆南成汭死趙匡凝襲據之建乘其間攻下夔施忠萬四州三年八月唐封爲蜀王四年唐遷都洛陽改元天祐與隔絕不知仍稱天復六年取歸州併有三峽七年梁滅唐遣使者來諭拒而不納馳檄五鎮會兵討梁是歲正月巨人見青城山諸州皆言鳳皇黃龍甘露白鹿白雀龜龍之瑞秋九月己亥卽皇帝位改元武成封諸子爲王以王宗吉爲中書令韋莊左散騎常侍判中書門下事唐襲爲樞密使鄭騫御史中丞張格王鐸翰林學士周博雅成都尹蜀恃險而富當唐之末人士多依建以避亂建雖起盜賊而爲人多智詐善待士當僭號時所用皆名臣

世族。莊見素之孫。格濟之子也。建常曰。吾爲神策軍將時。見天子夜召學士。出入無間。恩禮親厚。非將相可比。故待格等恩禮尤異。其餘宋珖等百餘人。並見信用。元年正月。南郊大赦。加恩宗吉。爲太師。宗吉本姓甘。自幼掠得。養以爲子。以創業功多。累遷武信軍節度使。襲本舞。僮見幸。宗吉易之。雖爲樞密。猶呼名。襲內恨外陽。諱奉。後建請于長宗吉。心不自安。與鄭鷟等謀求爲大司馬。總兵權。建疑不允。襲因激怒。建言人心服其威望。宜卽與之。建心益忌。及入奏事。復請不已。叱衛士撲殺之。并賜鴛死。六月。立次子宗懿爲太子。剗六軍改名元膺。時年十七。創天武神機營。開永和府。置官屬。建加尊號英武睿聖皇帝。三年。癸永昌曆三年十二月。大赦。改元永平。自建得山南地。茂貞勢孤。求與建和。娶建女爲婦。因求故地。建怒。不與。命宗侃宗佑宗賀。

唐襲三面攻岐。戰于青泥。宗侃敗績。退保西縣。爲茂貞所圍。建自將擊之。岐兵解去。還至興元。復加尊號光孝二字。明年。又卽神功文德四字。使尚食歐陽柔治第。得令夜所。建傳國璽寶之。梁道光祿卿盧珙來聘。推建爲兄。建以元膺年少。任重。以記事戒之。令一切効其所爲。命道士廣成先生爲之師。元膺爲人。猥喙齟齬多。林藝能射中錢孔。嘗自抱畫毬。擲馬上。馳而射之。無不中。以是數輕唐襲。建懼其交惡。罷襲爲興元節度使。元膺廷疏其過。嫌釁益深。會七夕。太子置酒。召諸大臣。而集王宗翰。樞密潘峭。學士毛文錫。俱不至。元膺怒曰。建將罪之。襲乘間讒曰。太子謀作亂。召諸將。并王欲以兵錮之。然後舉事。建疑之。襲請召屯營軍入衛。元膺聞襲召兵以爲誅已。乃與伶人安悉香。軍將喻全。殊率天武兵自衛。遣人擒峭及文錫。笞之。幽於其家。

名大將徐瑤常謙率兵拒襲戰于神武門襲中流矢墜馬死建
遣王宗賀以兵討之元膺兵敗為衛兵所殺建有子十一尚存
衛王宗仁趙王宗紀翊王宗輅韓王宗智莒王宗特信王宗傑
魯王宗鼎興王宗澤薛王宗平特以宗輅貌類已宗傑最賢欲
於兩人擇立之鄭王宗衍最幼其母徐賢妃與妹淑妃皆以色
進專房用事建老昏耄妃與宦者唐文展干預外政倚文展判
大軍事無大小皆決之乃教相士言衍相最貴又諷宰相張恪
贊成由是立宗衍為太子開崇賢府置官屬後更曰天策府四
年荆南高季昌侵巫山遣嘉王宗壽敗之于瞿唐八月殺黔南
節度使王宗訓冬南蠻攻掠界上遣夔王宗範擊敗之于大渡
河五年于龍興宮起壽昌殿繪建像又起扶天閣畫諸功臣像
十一月大火焚其宮室遣宗壽等攻岐取秦鳳階成四州至大

散關梁叛將劉知俊舉族來歸通正元年遣王宗綰等率兵十
二萬出大散關攻岐取隴州八月起文思殿以毛文舉為學士
購羣書實之大赦改元更國號漢天漢元年殺劉知俊於岐
又改明年元曰光天復國號蜀時建已病大臣問者皆不稱
宗弼等排闥言文展欲為變乃殺之建以老將大臣多譚昌文
人必不為太子用思擇人未得疾亟乃以宦者宋光嗣為樞密
使判六軍卒年七十二太子立更名衍 衍字化源生而方頤
大口垂手過膝顧目見耳頗知學問能為浮艷之詞既立改元
乾德諡建曰神武聖文孝德明惠皇帝廟號高祖陵曰永陵正
字周氏號昭聖皇后後數日亦卒因尊其母賢妃為皇太后淑
妃為皇太妃兩宮以教令賣官自刺史以下入錢多者得之起
邸店以奪民利衍年少荒淫委其政宋光嗣光葆景潤并澄王

承休歐陽晃田魯儔等而以韓昭潘在迎顧在珣嚴旭等為狎
客起宣華苑內建重光太清延昌會真四殿清和迎仙二宮降
真蓬萊丹霞怡神四亭并飛鸞閣瑞獸門與諸狎客婦人日夜
酣飲宗壽等因九日宴以社稷切諫言訖流涕昭等以為酒悲
其慢言嘲之時蜀人競為小帽僅覆其頂俛首即墮謂之危腦
帽衍以為不祥禁之乃更好戴大帽每微服出游民間以大帽
識之因令國中皆戴大帽又好髻尖巾其狀如錐而後宮皆戴
金蓮花冠衣道士服酒酣免冠其髻鬢然更施朱粉號醉粧國
人皆效之嘗與兩宮游青城山宮人衣服皆畫雲霞飄然望之
若仙因自作甘州曲述其仙狀上下山谷每自倡歌而使宮人
皆和乾德元年正月南郊大赦加尊號聖德明孝皇帝二年冬
北巡至于西縣旌旗戈甲連亘百餘里其還自閬州浮江而上

龍舟畫舸照耀江水所在供億人不堪命五年起上清宮塑于
子晉像尊為聖祖至道玉宸皇帝塑建及衍像侍立左右正殿
則塑玄宗皇帝及唐諸帝備法駕而朝之六年囚宦者以通王
承休妻嚴氏有絕色出承休為天雄軍節度使天雄軍秦州也
值唐莊宗滅梁遣李嚴聘蜀衍與俱朝上清見其人物富盛簾
帷珠翠夾道不絕衍驕淫縱侈歸乃獻伐蜀策明年改元咸康
又好畋獵徧幸彭漢諸山復因嚴氏故以十月幸秦州羣臣切
諫不聽行至梓潼大風發屋拔木太史曰此貪狼風也當有敗
軍殺將居數日遂為郭崇韜所敗宗壽許州民家子建以同
姓錄之為人好學工琴奕性恬退喜道術事建時為鎮江軍節
度使衍以為太子太保奉朝請以煉丹養氣自娛後為武信軍
節度使唐師伐蜀所在迎降魏王繼岌以書招之宗壽不聽聞

必傳錄 卷七十一
行已銜壁大慟。從之東遷。至洛陽。得見衎泣。下霑襟。曰：「早從王言，豈存今日？」後乃亡入熊耳山。天成二年，出詣京師。上書求衎宗族十八，喪葬之。明宗嘉其忠，以為保義軍節度行軍司馬，封衎順正公。許以諸侯禮葬。

開曰：古稱仁瑞，莫非由人。瑞至而昌，斯乃足神。吁嗟麟兮，反袂何因。

孟知祥字保胤，方立。從子叔遷以澤潞降梁，父道獨留事晉。以女妻晉王弟克寧。知祥又妻克讓女瓊華公主。初為左教練使，拜中門使，中門之職參管機要。前此吳珙、張虔厚皆以罪誅，知祥懼求改職。莊宗命薦代者，因薦郭崇韜。自代崇韜，德之。知祥遷馬步軍都虞候，轉太原尹。北京留守崇韜伐蜀，臨行言於莊宗曰：「即臣等有功，擇賢帥守之，無如知祥者已。」而唐兵破蜀，莊

宗遂以知祥為成都尹、劍南西川節度使。名至京，戒有司盛饗，帳多出內府珍奇諸物，以宴勞之。酒酣，語及蜀昔以為笑樂，莊宗嘆曰：「吾老矣，繼髮猶子，可喜能為吾平定。」而州吾意先帝時疆土侵削，僅餘一隅。魯知今日奄有天下，九州四海奇珍異產，充牣府庫，因指以示知祥。吾聞蜀土之富，無異于此。以卿親賢，故以相付。同光四年正月戊辰，知祥至成都。崇韜已死，遣大將李仁罕等擊破康延孝叛兵，獲其將李肇、侯弘實及兵數千，以歸。既而莊宗崩，繼岌亦死，明宗入立。知祥陰有玉蜀之志，訓練甲兵，益置義勝、定遠、驍銳、義寧、飛掉等軍七萬餘人。分將以仁罕、趙廷隱、張知業等。冬，加知祥侍中，遣太僕卿趙季良齎官告以賜。因命制置兩川征賦，初繼岌班師時，知祥率成都富人及王氏故臣家錢六百萬緡犒軍，其餘者猶二百萬。至是督令轉

送京師知祥怒不奉詔然與季良有舊遂留之以爲節度副使
事無大小皆與參決三年唐徙季良果州團練使安重誨以李
嚴監成都軍嚴前常獻策伐蜀故蜀人惡之掌書記母昭裔及
諸將吏皆請無納知祥盛兵以待冀嚴懼而不來嚴以天成二
年正月至成都方出詔以示知祥曰客將王彥銖執下斬之鳳
翔節度使李從曠奏反狀請留其家屬而明宗欲懷以恩信乃
遣客省使李仁矩送其家及子昶等歸蜀以慰知祥唐師伐荆
南詔出兵三千戍夔州久之知祥請罷戍詔不許遂諷其將毛
重威以衆潰歸明宗有事南郊責助禮錢百萬知祥覺其謀欲
困已辭不肯出僅獻五十萬安重誨久疑知祥有異志表以武
虔裕爲綿州刺史夏魯奇領武信軍各帥精兵赴鎮以爲牙隊
知祥懼謂唐將致討乃用季良策與東川董璋合縱以拒朝廷

連表請罷所遣節度刺史等明宗優詔慰諭之長興元年二月
郊禮畢加中書令九月董璋反知祥因應聖節開宴東北望再
拜伏咽泣下沾襟士卒皆爲歔歔明日亦遂稱兵明宗下詔削
奪官爵命石敬瑭爲都招討使魯奇副之知祥遣仁罕等將兵
三萬會璋攻遂州別遣侯弘實將四千人助守東川又遣張武
下峽取渝州唐師攻劔門殺璋守兵三千入之璋來告急知祥
大駭遣廷隱分兵萬人以東已而聞唐軍止劔門不進喜曰若
使急趨東川則遂州圍解吾勢且沮而兩川搖矣今吾乃知其
易與爾十二月廷隱大敗敬瑭于劔門武取渝州病卒代以其
副袁彥超復取黔州二年正月仁罕克遂州魯奇死之遣人馳
首以示敬瑭乃班師利州李彥珂聞敗亦棄城走仁罕進攻夔
州刺史安崇阮亦走所在守將皆不能固明宗憂之謂致知祥

引簡錄
等反由重誨失策再遣西川進奏官蘇愿軍將杜紹本招諭知
祥具言家屬在京師者皆無恙知祥聞之逃瑋欲同謝罪瑋因
于孫見殺不聽又遣觀察判官李昊說瑋瑋益疑為賣已因發
怒以語侵昊昊還勸知祥攻之瑋先襲破漢州知祥自將往擊
遣廷隱率兵三萬陣鷄距橋得瑋降卒衣以錦袍使持書招瑋
瑋言事已及此尚可悔耶軍士皆欲速戰諫曰無徒曝我於日
兩軍始交偏將張守進來降知祥乘之瑋遂大敗知祥并有東
川以趙季良為武泰軍李仁罕武信軍趙廷隱保寧軍張知業
寧江軍李肇昭武軍皆為留後因請知祥稱王以墨制行事議
論未決先是知祥妹孟氏因克寧死歸蜀其子瑗留事唐為供
奉官明宗遣瑗歸省其母因賜知祥詔書招慰之瑗還因上表
請得封蜀王又請除季良等為五鎮節度使其餘刺史以下得

自除授時瓊華已卒改封福慶公主封冊未至明宗為發哀遣
閣門使劉政恩為宣諭使知祥始遣其將朱晃同政恩來朝四
年二月癸亥加授檢校太尉兼中書令管內觀察處置統押近
界諸蠻兼西山八國雲南安撫制置等使仍遣工部尚書盧文
紀冊卦為蜀王餘皆如所請十一月明宗崩明年閏正月僭位
國號蜀以季良為司空同平章事王處回為樞密使李昊翰林
學士三月山南西道節度使張虔釗武定軍節度使孫漢韶皆
以其地歸附四月改元明德因宴勞虔釗等手緩不能舉觴亟
立第三子景為皇太子權監軍國遂卒諡為文武聖德英烈明
孝皇帝廟號高祖陵曰和陵 瑋少為李讓家僮因得事梁太
祖以軍功為指揮使末帝遣瑋攻下澤州即以爲刺史梁亡事
唐莊宗為邠寧節度使亦與崇韜善伐蜀以爲行營右廂馬步

軍都虞候軍事大小皆與參決蜀平就拜劍南東川節度使安
重誨信言事者謂璋盡忠爲國欲倚之以圖知祥天成四年詔
書責以貢助南郊禮物五十萬璋訴不肯出僅獻十萬其後使
還者多言璋益橫肆倨慢無禮必有反謀重誨患之稍擇將吏
爲刺史以精兵爲其牙卒分布諸州璋覺唐疑已且懼削地遂
發兵反娶知祥女爲子婦以相連結遣將李彥釗扼劍門關爲
七若增置永定一關於關北凡唐戍兵東歸者皆遮留之逃者
覆以鐵籠火炙之或剝肉釘面剖心而啖長興元年攻陷閬州
執李仁矩姚洪皆殺之事聞朝廷盡誅其家屬遣東川將劉澄
西歸論璋使自新不聽三年四月以兵萬人攻知祥戰于彌牟
大敗走過金鴈橋麾其子光嗣使降以保家族光嗣哭曰自古
豈有殺父而求生者乎寧俱就死因與俱走至梓州爲故陵州

刺史王暉所殺光嗣自縊傳其首于知祥

昶初名仁贊母李氏本莊宗嬪御以賜知祥生昶于太原初署
兩川節度行軍司馬僭號授檢校太保同平章事崇聖宮使領
鎮東川明德元年七月襲位二年尊母爲皇太后四年改元廣
政因年少政事悉委大臣季良知業仁罕等皆知祥故人知祥
在時寬厚多優容之遂驕蹇踰法務廣第宅奪八良田開發墳
墓任軍知業尤其和執而誅之虔回廷隱相繼致仕昶始親政
置阼朝堂以通下情時契丹方亂漢祖起太原中原蝗旱秦州
節度使何建鳳州防禦使石奉頽俱以城降昶于是悉有王衍
故地開貢舉行郊祀禮君臣益務奢縱十三年上尊號睿文英
武仁聖明孝皇帝十八年周世宗克秦鳳四州昶始懼放還所
獲濮州刺史胡立致書于周稱大蜀皇帝自言家世邢臺願敦

鄉里之分世宗怒其無禮不答昶愈不自安乃于劔門夔夔多積芻粟增置師旅用度不足更鑄鐵錢禁境內鐵器置場鬻之以專其利立玄詰為太子用王昭遠伊審徵韓保正趙崇韜等分掌機要母嘗語昶曰吾見莊宗跨河與梁軍戰又見爾父在并州捍契丹及入蜀定兩川當時主兵者非有功不授故士卒畏服如昭遠者出于微賤保正等皆世祿之子素不知兵一旦警急此輩何以禦敵高彥儔爾父故人秉心忠實多所諳練北可委任昶不能用及宋太祖下荆楚昶欲遣使朝貢昭遠等固止之時已有西伐意詔蜀郡吏將卒先在江陵者並給錢帛放還乾德二年昶遣孫遇楊勳趙彥韜至京師彥韜潛取昶與并州劉鈞蠟書以告太祖大喜曰吾用師有名矣卽命王全斌由鳳州路王仁贍副之劉廷讓由歸州路曹彬副之率禁兵三萬

諸州兵二萬分二路進討命遇等指畫江山曲折及兵砦戍守道里遠近畫為一圖以授全斌等諭曰凡克城砦砮籍其器甲芻糧悉以錢帛分給戰士兵至昶遣昭遠崇韜保正李進等拒戰皆相繼就擒昶大懼出金帛募兵以守劔門命玄詰為元帥統之副以李廷珪張惠安皆庸懦無識玄詰尚攜姬妾樂器伶人晨夜嬉戲不恤軍政旌旗悉用文繡以錦綉其杠遇微雨恐濡濕悉令解去皆倒懸江上雨止復施之識者已知其不吉至縣州聞劔門已破趨歸東川所過焚廬舍倉廩而去昶益惶駭問計于老將石斌對以宋師遠來勢不能久請聚兵固守以老之利曰吾父子豐衣美食養士四十年今遇敵不能為我發一矢若更固壘何人効命三年正月勢迫遣伊審徵齋降表言中外骨肉二百餘人有親年幾七十願同甘旨免賜睨離祖宗血

食望賜少延未援故事請封號全斌等受之遣康延澤先以百騎入城諭利恩信盡封府庫留三日而還利乃舉族與官屬由峽江而下至江陵宋遣皇城使竇思儼迎勞之四月至襄漢復遣使齎詔賜利與母茶藥呼為國母不名將至又命晉王勞于近郊利率子弟素服待罪闕下太祖御崇元殿備禮見之賜襲衣玉帶金鞍勒馬金銀器錦綺絹各萬計母亦賜金銀器錦綺絹差少子弟官屬等襲衣金玉帶鞍勒馬車乘器幣有差又遣使分詣江陵鳳翔賜其家屬錢帛疾病者給醫藥即日宴于大明殿先詔有司起大第右掖門外以待供帳悉備至是賜之官屬各以次就居翌日授開府儀同三司檢校太師給二鎮節度使俸餘官除拜有差凡七日而卒年四十七廢朝五日素服發哀于大明殿贈尚書令追封楚王諡恭孝贈葬官給其母不哭

以酒酌地祝曰汝不能死社稷貪生取羞吾所以忍死者以汝在爾今汝既死吾何用生為因不食數日亦卒宋祖聞而傷之賻贈加等令鴻臚卿范禹偁護喪事與利俱葬洛陽發奉義甲士千人護送利嗣位三年專務奢靡納方士房中術多採良家子以充後宮至用溺器以七寶飾之他物稱是副樞韓保貞切諫不聽會歲除自題桃符曰新年納餘慶嘉節號長春甫新正遣呂餘慶知成都聖節又名長春太史先奏熒惑犯積屍乃蜀分野至是悉應 玄喆字遵聖幼聰敏善隸書初封秦王檢校太尉同平章事列六軍嘗自書姚崇以箴刻諸石利賜以銀器錦綵後領武德軍節度使兼侍中歸宋為檢校太尉秦寧軍節度使移鎮貝州十餘年有治迹太平興國初復轉定州加開府儀同三司從平太原就命為鎮州駐泊兵馬鈐轄征幽州幸所

部攻城西面會班師遣與藥可瓊等歸屯定州俄契丹入寇與諸將破之徐河以功封滕國公入爲左龍武統軍判右金吾衛仗未幾知滑州淳化初病移知滁州卒年五十五贈侍中有子十五人隆記隆詒隆說隆詮並進士及第 玄珪初封褒王檢校太保少選敏侍射連中的昶奇之賜錢三十萬時方就學選起居舍人陳鄂爲教授倣唐李潛蒙求高測韻對爲四庫韻對四十卷以獻益賞以錢後領閩州保寧軍節度使加太傅歸宋爲千牛衛上將軍遷右神武統軍代玄喆判金吾衛仗太平興國九年出爲宋曹兗鄆都巡檢使改右屯衛上將軍出知滑州卒 弟仁贇字忠美初爲左威衛將軍封雅王檢校太尉領閩州保寧軍節度使奉降表詣宋召見廣德殿賜襲衣玉帶鞍勒馬授左神武統軍母憂起復領大同軍節度西京都巡檢使卒

贈太子太師

仁裕字鳴謙封彭王領黔州武泰軍節度使加

太尉歸宋授檢校太傅右監門衛上將軍遷右羽林軍卒贈太子太傅 仁操初爲右領軍衛將軍封嘉王檢校太傅領果州永寧軍節度嘗侍射梃子鬪連中的三加太尉好崇奉釋氏深究其理歸宋授右監門衛上將軍遷右龍武統軍卒 伊審微字申圖并州人父延瓊隨知祥入蜀妻以崇華公主歷陵嘉眉三州刺史審微自幼以孝聞母病割股肉啖之以蔭歷蜀州刺史雲安權監使代高延昭爲通奏使知樞密院事侵秦鳳命檢校城砦俄領武泰軍節度使子崇度復尚主改寧江軍節度使同平章事歸宋授靜難軍節度使乾德六年移鎮延安開寶末入爲右屯衛上將軍太平興國二年判右金吾衛仗卒 韓保正字永吉潞州長子人父昭運從入蜀署珍州刺史保正初爲

押衙後兼豐德廣義庫使領眉州刺史偽副樞密復刺漢州歷
宣徽北院南院雄武寧江二軍節度使復領度支爲左衛聖步
軍指揮使遷奉鸞肅衛馬步軍都指揮使以其子崇尚三尋聞
荆南高繼冲納土以爲峽路制置使屯夔州僞檢校太尉兼侍
中聞宋來伐改山南節度興元武定緣邊諸砦屯駐及全斌等
至畏懼不敢出遂棄興元保西縣遣人依山背城結陣以自固
爲史延德所破以麾下逃追擒之全斌驛置闕下太祖召升殿
勞問賜袍笏金帶茵褥鞍馬未及命官而卒贈右千牛衛上將
軍 王昭遠成都人幼依東郭僧智誣爲行童知祥飯僧見之
憐其聰慧令侍左右時利方就學留給事嗣位以爲捲簾使典
茶酒庫會樞密使王處回出知梓州利以樞密事權太重改爲
通奏使以昭遠及普豐庫使高延昭領之俄爲眉州刺史領丞

平軍不數月復代李繼勳爲昭武軍節度使歲餘改寧江軍未
幾加平章事兼領山南西道昭遠好讀兵書自此諸葛亮兵始
發成都廷臣餞之昭遠手執鐵如意指揮人言曰是行何止克
敵當率此二三十萬雕而悉少兒取中原如反掌爾及宋師破劔
門懼而股慄趙崇韜布陣將戰昭遠據匡牀不能起俄崇韜敗
走投東川匿倉舍下悲咽流涕爲追騎所執送闕太祖釋之授
左武衛大將軍廣南平奉使交趾卒 趙廷隱太原人從入蜀
拳勇有智略麾下無及之者以破董璋功命總親軍爲衛聖馬
步軍都指揮使遷僞太師中書令封宋王卒謚忠武子崇韜驍
果有父風昶卽位初置四番殿直令仁罕子繼宏季良子元振
知業子繼昭洪實子令欽及崇韜分爲都知領之後遷客省使
周世宗克秦鳳將入蜀境崇韜拒却之歷左右衛聖步軍都指

揮使子文亮尚主加領洋州武定軍節度緣邊諸砦都指揮使
為宋師所擒高彥儔太原人宣威軍使暉之子從入蜀為軍
校歷昭武軍監押利遷邛州刺史改馬步軍使漢兵入大散關
克安都砦彥儔以所部先進盡銳追擊復其砦而還加領趙州
刺史俄為右驍銳光聖二馬軍都指揮使真拜源州武定軍節
度使周世宗遣向訓攻鳳州昶令出兵未至潰歸不罪以為右
奉鑾肅衛都指揮使改功德使宋師將入命守夔州彥儔欲堅
壁以待監軍武守謙不從時劉廷讓頓兵白帝廟西遣騎將張
廷翰等引兵與守謙戰于猪頭舖守謙敗走廷讓率大軍繼至
彥儔率所部出戰廷翰等已乘城而入判官羅濟勸令單騎歸
成都泣曰我背失天水今復不能守夔縱不忍殺我何面目見
蜀人哉濟又勸其降曰老幼百口在成都若一身偷生舉族何

負今日止有死耳即解符印授濟其衣冠望西北再拜登樓縱
火自焚廷讓收其骨煨燼中以禮葬之蜀亡死者惟彥儔一人

幸寅遜蜀人初仕為茂州錄事參軍秘好擊毬三章極諫深
被賞納遷新都令拜司門郎中知制誥中書舍人出知武信軍
尋加史館修撰改給事中拜翰林學士加工部侍郎判吏部三
銓事領簡州刺史歸宋授右庶子嘗上疏諫獵太祖嘉之名見
賜帛開寶五年為鎮國軍行軍司馬年九十餘卒李昊字穹

佐祖乾右建州刺史父羔容管從事昊生於關中遇唐末亂避
地奉天岐軍攻城父及弟妹皆死昊與母得免獨流寓新平為
岐帥劉知俊所獲與語甚器之寘于門下妻以女知俊歸蜀領
遂州武信軍節度使以昊為從事每出師令主留務知俊被殺
罷職王衍時授彭州導江令歷中書舍人翰林學士遣心膂張

金王彥聞道迎其母至青泥嶺撫首號慟哀感行路衍亡入洛
明宗命權兵部郎中從孟知祥辟爲推官遷掌書記累擢禮部
侍郎翰林學士昶立領漢州刺史遷兵部出知武德軍府加承
旨進尚書左丞拜門下侍郎兼戶部尚書同平章事判度支監
修蜀史因請置史官以給事中郭廷鈞職方員外郎趙元拱爲
修撰雙流令崔崇構成都簿王中孚爲直館又進左僕射圖像
於真容院殿內白知祥領蜀凡章奏書檄皆出吳手集爲百卷
日經緯略修昶實錄四十卷母憂起復修前蜀書仍與元拱中
孚及諫議喬諷給事中馮侃幸寅遜知制誥賈玄珪少卿郭微
郎中黃彬同撰成四十卷上之封趙國公俄加司空領遂州武
信軍節度使加宏文館大學士修奉太廟禮儀使遷其子孝連
尚鳳儀公主累遷太常少卿資州刺史長子孝逢給事中四孫

悉授太子司儀郎舍人並賜緋入宋拜吳工部尚書孝逢膳部
郎中孝連將作少監後至司農少卿俄聞家屬至夸陵妻死悲
愴成疾而卒凡前後仕蜀五十年位兼將相秉利權歲入鉅萬
奢侈尤甚後堂妓妾曳羅綺常數百人蜀人以王衍孟昶降表
皆其所爲潛署其門曰世修降表李家孫德鱗國子博士德錡
進士及第母守素字表淳河中龍門人父昭裔前蜀僞相以
太子太師致仕守素任僞秘書郎累遷戶部員外知制誥中書
舍人工部侍郎出爲雲安權鹽使拜工部尚書代父判鹽鐵度
支俄領彭州刺史奉親勤至雖隆暑暮歸必朝服執簡以申昏
定之禮入朝授工部侍郎俄坐奪官開寶初起爲國子祭酒征
河東命權知趙州平嶺表移知容管諸州水陸轉運使卒在蜀
好藏書令門人勾中正孫逢吉校文選初學記白氏六帖鏤板

引簡錄卷七十二
齊至宋朝祥符九年子克勤上其板補三班奉職克溫賜緋次
子克恭尚昶女樂國公主仕為光祿少卿歸宋至左監門衛將
軍 歐陽迴華陽人父珏通泉令迴少事王衍為中書舍人隨
至洛陽補秦州從事知祥復以為中書舍人拜翰林學士知貢
舉判太常寺遷禮吏二部侍郎領陵州刺史加承旨拜門下侍
郎兼戶部尚書平章事監修蜀史嘗擬白居易易諷諫詩五十篇
以獻昶嘉美賚以銀器錦綵歸宋為右散騎常侍俄充翰林學
士分司西京卒生平性儉素雅善長笛宋太祖常召於便殿令
吹數曲中丞劉溫叟叩殿門切諫以為禁署之職代主絲綸不
可作伶人之事自是不復召太祖因嘆曰孟昶君臣溺于聲樂
迴至宰司尚忍習此其他可知此其為我擒也

引簡錄卷七十二 終

弘簡錄卷七十二

明刑部員外郎仁和弘齋邵經邦學

皇清翰林院侍講學士四世孫遠平校閱

附載

南漢劉隱 父知謙 弟龔 孫錕 北漢劉晏 子鈞繼恩繼元 附衛融李暉

南平高季興 子從誨孫保融保勗保寅會 孫繼沖附孫光憲梁延嗣

楚馬殷 子希聲希範 希廣希蔭 湖南周行逢 子保權

劉隱祖安仁山上蔡避亂徙閩中為商因家南海父知謙任清
海軍牙將節度使韋宙見其狀貌非常以兄女妻之黃巢自嶺
表北還湖湘間羣盜蟻結知謙因據封州有詔即授刺史兼賀
江鎮遏使禦梧桂以西歲餘有兵萬人戰艦百餘生三子曰隱
台巖在任撫納流亡愛嗇用度招養士卒境內肅然久之疾病

名諸子曰今五嶺盜賊方興吾有精甲犀械爾等勉建功業時不可失知謙卒共推隱為嗣乾寧中嗣薛王知柔為節度使行至湖南廣州將盧瑑單玘作亂知柔不敢進隱率州兵攻殺瑑玘迎知柔至即辟為行軍司馬其後徐彥若代知柔表隱節度副使委以軍政彥若卒軍中推隱留後天祐二年拜節度使梁開平元年加檢校太尉兼侍中二年兼靜海軍節度安南都護三年加檢校太師兼中書令封南平郡王遭世多故數有功於嶺南遂占南海隱復好賢下士時中原大亂惟嶺外最遠可以避地中朝士人多游寓焉又名臣謫死南方往往有子孫或當時仕宦遭亂不得還者皆客嶺表若巡官王廷保學博倪曙劉崇望子濬李德裕孫衡及周傑楊洞潛趙光胤之徒皆招禮之辟置幕府待以賓客傑善星曆隱數問以災變傑恥以術事人

常稱疾不起洞潛初為邕管巡官隱嘗師事之後以為節度使使及龔僭號用此數人為陳吉凶禮法為國制度略有次序乾化元年進封南海王卒年三十八弟龔嗣龔初名嚴又名陟母段氏生於外舍嫡韋氏素妬聞之怒拔劍而出將殺之及見而悸劍輒墮地良久曰此非常兒乃收段養龔及長善騎射身長七尺垂手過膝初辟薛王府諮議參軍後副隱鎮南海時諸州割據不相統制隱將攻韶龔諫以盧光稠據虔州其弟光睦據潮州子廷昌據韶州三州相應擊之則首尾受敵此不宜直攻而可以計取隱不聽果敗而歸因以兵事付龔龔悉平諸寨殺高州劉昌魯新州劉潛更置刺史復敗盧氏取潮韶二州又取容管逐龐巨昭併邕管殺華廣略與梁隔別但稟正朔而已乾化二年除節度使檢校太保同平章事尋進太傅末帝初龔

王爵貞明三年僭皇帝位國號大越改元乾亨追尊安仁文皇帝知謙聖武皇帝隱襄皇帝立三廟置百官拜楊洞潛兵部李衡禮部倪曙工部皆侍郎趙光胤兵部尚書並同平章事光胤恥事僞國常怏怏思歸龔乃習爲光胤手書遣使間道至洛陽名其二子損益并家屬皆至光胤驚喜爲盡心焉恐王定保不從遣使荆南至是還使曙勞之定保曰建國當有制度吾入南門清海軍額猶在寧不取笑四方乎龔笑曰吾不思此宜其譏也龔性聰悟而苛酷爲刀鋸支解剝剔之刑見殺人不覺朶頤垂涎呀呷人以為真蛟蜃也復好奢侈悉聚南海珍寶以爲玉堂珠殿有北商至者多名之使升宮殿示以珠玉之富二年祀天南郊大赦境內改國號曰漢三年出楚王殷女越國夫人馬氏爲皇后四年春署選部貢舉進士明經十餘人歲以爲常七

年莊宗入汴龔懼遣宮施使何誦入闕虛實稱大漢國王致書大唐皇帝詞還言唐必亂不足憂龔大喜雲南鄭旻遣使鄭昭淳致朱鬃白馬以求婚悅昭淳好學有文辭相與游燕賦詩妻以隱女增城縣主八年作南宮定保獻南宮七奇賦以諷之九年白龍見南宮三清殿改元白龍川番僧言讖書滅劉者濊乃採飛龍在天二字合爲龔音字以名焉四年楚人以舟師攻封州敗於賀江龔懼筮之遇大有復赦境內改元大有遣蘇章救封潛沉鐵索賀江中駕輕舟迎戰楚人逐之舉輪挽索射以疆弩盡殺楚人三年遣將李守鄺梁克貞攻交趾擒曲頭子承美登儀鳳樓受俘而赦其死遂攻占城掠寶貨而歸四年愛州楊廷藝叛攻交州刺史李進遜歸遣承旨程寶攻廷藝戰而死五年封子耀樞邕王龜圖康王洪度秦王洪熙晉王洪昌越王洪

嗣齊王洪雅詔王洪澤鎮王洪操萬王洪杲循王洪暉息王洪
邈高王洪簡同王洪建益王洪濟辨王洪道貴王洪照宜王洪
政通王洪益定王九年遣將孫德成攻蒙州不克十年交州牙
將皎公羨殺廷藝自立其故將吳權復攻交州公羨來乞師襲
改封洪操交王出兵白藤以攻之自以兵駐海門權殺公羨逆
戰海口洪操舟覆而死襲收衆還十五年薨年五十四加諡天
皇大帝廟號高祖陵曰康陵子玠嗣初名洪度收元光天立二
年以荒淫爲弟洪熙所弑 洪熙改名晟自立收元應乾懼衆
不伏益峻刑法殺弟洪杲以威衆祀天南郊收元乾和諸弟中
洪昌最賢襲素所欲立者晟尤忌之二年夏遣祠襄帝陵使盜
殺之洪澤居邕州有善政亦使人醜之諸弟相次見殺皆盡功
臣劉忠潮僕射王翻陳道庠及道庠友鄧仲相繼下獄皆斬之

族其家六年遣工部郎中知制誥鍾允章聘楚求婚不許還言
馬希廣新立希萼起兵湖南大亂可乘機取之晟遣巨象指揮
使吳珣內侍吳懷恩克賀州陷桂連宜梧嚴蒙六州復掠全州
而還九年又遣內侍潘崇徹取郴州晟益得志遣巨艦指揮使
暨彥贊以兵入海掠商人金帛作離宮游獵宣者林延遇與宮
人盧瓊仙內外專恣淫虐殺人晟不復省十一年封子繼興衛
王旋興桂王慶興荆王保興祥王崇興梅王十二年親耕籍田
交州吳權子昌濬遣使稱臣求節鉞顯德三年世宗平江南晟
惶恐遣使修貢京師爲楚人所隔使者不得行晟憂形於色末
年月食牛女間歎曰吾當之矣囚爲長夜之飮十葬域於城北
運甓爲壙親臨視之是秋薨年三十九長子銀嗣 銀初名繼
興收元大寶晟性剛忌不能任臣下而獨任其嬖倖至銀偏見

尤甚目羣臣謂門外人以皆有家室顧子孫不爲盡忠惟宦者
親近可任遂委其政於龔澄樞陳延壽等至欲用羣臣皆托以
訪日與宮婢波斯女等淫戲後宮不復出治政事延壽引女巫
樊胡子托言玉皇降於內殿設帳幄陳寶貝巫坐帳中宣禍福
呼玉皇爲天子銀爲太子皇帝澄樞等皆玉皇使來輔太子有
罪不可問國事皆決於胡子盧瓊仙澄樞等爭附之左丞鍾允
章數請誅之不聽二年郊祀允章與禮官先期登壇宦者許彥
真以爲詛呪馳告下允章獄并其二子誅之延壽又勸先帝所
以得傳陛下出盡殺羣弟銀以爲然亦殺其弟桂王旋興是歲
改元建隆其將邵廷瑁諫曰漢乘唐亂居此五十年幸中國有
故干戈不及軍士不識旗鼓人主不知存亡今聞真主已出其
勢必將盡有海內亂極而治自然之理盍修兵爲備縱不然悉

珍寶奉中國遣使通好銀深恨之遣以舟師屯洗口廷瑁訓士
率修戰備嶺人方倚爲干城有譖者言其謀反賜死士卒排軍
門不能救爲立祠洗口四年芝菌生宮中野獸觸寢門苑中羊
吐珠井旁石自立行百餘步而什民生子兩首四臂皆以爲符
瑞諷羣臣入賀五年納宦者李托養女專寵潛稱貴妃尊托內
太師居中專政彥真復惡澄樞等居已上將謀殺之反爲所告
謀反族誅龔時中官裁三百餘位不過令丞至晟已千餘人稍
增內常侍諸謁者之稱銀增至七千官以三師三公但加內字
女官亦有師傅令僕之號官餘有才略可用者令自宮方得出
入又作燒煮剝剔刀山劔樹之刑或令罪人鬪虎抵象民困重
賦至入城者人輸一錢瓊州米斗稅四五錢復置媚川都定其
課入所居宮殿悉以珠玳瑁飾之延壽作諸淫巧日費數萬金

弘簡錄 卷之十三
宮城左右離宮數千游幸常至月餘以豪民為課戶供宴犒費
乾德中宋師克郴州獲其內品十餘人有余延業者備言其事
宋太祖奮然曰吾當救此一方民江南李煜遣給事龔慎儀遺
書使稱臣歸所侵湖南地銀不從因慎儀驛書答煜言甚不遜
煜以書來上開寶三年命潘美尹崇珂討之八月師至白霞賀
州刺史陳守忠告急遣澄樞往賀州郭崇岳往桂州托往韶州
畫守禦之策時舊將多以讒構誅死宗室翦滅惟宦人數輩掌
兵又耽於遊宴城壁壕障節為宮館池沼樓艦皆毀兵器又腐
內外震恐九月美與崇珂圍賀州澄樞遁歸復遣大將伍彥柔
領兵美等伏奇兵南岸伺其至擒斬之梟首以徇翌日城陷益
督戰艦聲言順流趨廣州銀令都統潘崇徽將兵五萬屯賀江
十月王師次昭州破開建砦殺率數百擒砦將靳暉刺史出行

稠遁去城遂陷桂州刺史李承進亦棄城奔十一月連州陷招
討使盧收率眾退保清遠十二月進攻韶州都統李承渥領兵
數萬教象為陣列蓮華山下美以勁弩射之象奔蹠反踐軍遂
大敗承渥僅以身免韶州陷擒刺史辛延渥諫議大夫卿文遠
張于廣城東塹壕遣崇岳統兵六萬屯馬逕列柵以拒崇岳無
謀勇但禱鬼神四年正月美等破英雄二州崇徹來降翌日次
瀧頭山張遣使請和且求緩師二月過馬逕去廣城十里砦于
雙女山下張聞之取大船十餘艘載金寶妃嬪欲入海未及發
宦官樂範與衛兵千餘盜船走美等將至城張遣右僕射蕭灌
奉表詣軍門乞降師頓城外遣其弟保興率羣臣奉迎復為崇
岳所遏美等進攻保興迎戰大敗逃于民家乘風縱火崇岳死
于亂兵張聞城破猶盡焚府庫為美所擒及保興澄樞李托薛

崇譽等五百餘人與宗室文武九十七人同縻于龍德宮部送闕下舍銀玉津園俘獻太廟大社太祖御明德門遣大臣呂餘慶盧多遜宣詔責銀淫虐及反覆之狀銀伏地言臣年十六僭偽位乘樞等皆先臣舊人每事臣不得專乃命大理卿高繼申引乘樞托崇譽斬于千秋門外釋銀罪賜襲衣冠帶器幣鞍馬授金紫光祿大夫檢校太保右千牛衛大將軍封恩赦侯朝會班上將軍之下保興右監門率府率蕭淮太子中允中書舍人卓惟休太僕寺丞餘並署諸州上佐縣令主簿四年詔增月奉錢五萬米麥五十斛八年遷左監門衛上將軍進封彭城郡公太平興國初又進衛國公卒年三十九廢朝三日贈太師追封南越王銀爲人體質豐碩眉目俱竦有口辨性絕巧嘗以珠結鞍勒爲戲龍之狀極其精巧以獻太祖嘆曰倘能以是移于治

國豈至亡滅哉龔嘗問傑國祚修短之數筮遇復之豐二卦皆土上下皆應五數及銀敗五十有五年京師先一年九月八夜衆星皆北流占者言劉氏歸朝之兆又廣州童謡羊頭二四白天雨天雨者王師也是年辛未二月四日被擒語皆不爽子守節守正皆至崇儀副使守素咸平中爲侍禁後至內殿崇班閤門祇候守通供奉官守正子克昌爲三班奉職國昌爲借職劉旻漢高祖母弟初名崇爲人美鬚髯目重瞳子少無賴嗜酒好博黥爲軍卒時漢祖鎮河東以爲都指揮使登祚加同平章事遷太原尹北京留守隱帝累加中書令見帝年少政在大臣又與周太祖有隙頗不自安謀於判官鄭珙勸以漢政昏亂晉陽兵雄天下地形險固十州征賦足以自給公爲宗室老不以此時爲計後必爲人所制旻曰子言正會吾意乃罷上供征賦

收豪傑籍民以益兵三年周祖起兵隱帝遇弒白漢太后立旻
子贇爲漢嗣遣馮道奉迎人皆知非周祖實意旻獨喜遣人至
京師見周祖具道所以迎贇之意因自指其頸所刺飛雀形以
示曰自古豈有雕青天子幸無以爲疑旻聞益信之獨太原少
尹李驤謂贇此行必不得爲劉氏後因勸旻舉兵下太行控孟
以俟變庶幾贇得立贇立而罷兵可也旻大罵曰腐儒欲離
間我父子耶命左右牽出斬之驤臨刑大呼吾爲愚人畫計死
誠宜矣遂與其妻俱死已而周祖果代漢降封贇淮陰公旻遣
牙將李警奉書求贇歸太原而贇已死旻慟哭始爲驤立祠歲
時祠之乃以廣順元年正月戊寅卽皇帝位以子承鈞爲太原
尹珙與判官趙華左右宰相都押衙陳光裕宣徽使李警通事
舍人遺珙使契丹約爲父子之國永康王元欲遣燕王述軋政

事令高勳冊旻爲大漢神武皇帝妻爲皇后貽以自愛黃驤
九龍十二稱王帶未幾元欲爲述軋所弒述律代立旻遣樞密
直學士王得中往賀併求出兵以攻周述律遣蕭禹厥率兵五
萬來助旻出陰地攻晉州爲王峻所敗會大寒軍凍餒亡失過
半明年又攻府州爲折德辰所敗未幾周太祖崩旻大喜復遣
使乞兵契丹遣楊衮將鐵馬萬騎及奚諸部兵五六萬號稱十
萬助旻旻遣張元徽爲先鋒自將騎兵三萬攻潞州李筠遣穆
令鈞以步騎三千拒之于太平驛爲元徽所敗遂圍潞州顯德
元年世宗親征三月甲午戰于高平旻列爲三陣以楊衮居西
當李重進白重贊左軍張元徽居東當樊愛能何徽右軍而自
將居中當向訓史彥超號令東偏先進擊周右軍兵始交愛能
微退走其騎軍亂步卒數千棄甲降元徽咸呼萬歲聲振川谷

世宗大駭。躬督戰士。皆奮命爭先。旻麾赤幟收軍。勢不可遏。元徽沒于陣。遂敗。日暮收餘兵萬人。阻澗而止。劉詞將周後軍。又至。復乘勝擊之。旻又大敗。輜重器甲乘輿服御。皆為周師所獲。旻獨乘黃驢。自鵬窠嶺間道馳還。周進攻太原。城方四十里。周師離城三百步。圍之匝。自四月至六月。不能克。時楊衮不戰全軍而返。旻遣得中送歸。復乞援兵。契丹更發數萬騎。遣得中先還。至代州。州將桑珪殺防禦鄭處謙。以城降周。弁送得中于世宗。世宗遣符彥卿史彥超北控忻口。以斷契丹援路。已而兵至。敗彥卿。彥超戰歿。世宗殺得中。始命班師。旻遂以憂得疾。卒年六十。子承鈞嗣。承鈞後止名鈞。少頗好學。工書。遣人奉表契丹。白稱男。述律答詔呼為兒。許其嗣位。始旻常謂承漢祖之業。痛贊冤死。義不為周祖屈。期與元徽等竭力。以復家國之讐。至

於稱帝一方。非其得已。故雖僭號。仍稱乾祐。不改元。不立宗廟。四時祭用家人禮。鈞既立。始赦境內。改乾祐十年為天會元年。立七廟於顯聖宮。潛結江南西川。以為外援。六年冬。約契丹侵周。明年正月。周恭帝命宋太祖北征。鈞與契丹皆遁去。太祖既受禪。昭義節度李筠叛。乞兵於鈞。奉表稱臣。執監軍周光遜。李延玉送於太原。鈞率其國兵。自將出團柏谷。羣臣餞之。汾水僕射趙華諫曰。李筠舉事輕易。陛下不圖成敗。空國興師。臣實憂之。既而鈞遣宣徽使盧贊監筠軍。筠怒與贊謀。多不叶。復遣宰相衛融往和解之。及筠敗。衛融被執。至京。太祖問融何以助鈞。反。融言不遜。命以鐵撾擊其首。流血被面。融呼曰。臣得死所矣。太祖顧左右曰。此忠臣也。釋之。以良藥傅其創。命融致書與鈞。求周光遜等約。亦以融歸太原。鈞不報。遂留融。不遣。鈞語趙華

曰不聽公言幾至於敗內樞密段常薦棣州人郭無爲其人方
穎烏喙好學多聞善談辨嘗爲道士居武當山周祖討李守貞
謁軍門詢以當世之務奇之後以其縱橫之士不納而去隱太
原抱腹山自稱山人鈞召至與語大悅拜爲諫議大夫遷吏部
侍郎與薊人趙文度同秉政文度捷給善戲謔父玉嘗脫呂琦
於難故旻雅愛之五年宿衛王隱劉紹趙鸞等謀作亂事覺被
誅詞連段常罷爲汾州刺史縊殺之自旻以來舉事必稟命契
丹自後改元援李筠殺段常不以告契丹遣使責問鈞惶恐謝
罪自是失援不復有南侵意本以地狹產薄歲輸契丹國用日
削乃拜五臺山僧繼顥爲鴻臚卿繼顥故燕王劉守光孽子多
智善商財利以能講華嚴經四方供施多積蓄以佐國用旻時
嘗倚賴之其地當契丹界上常得其馬以獻號添都馬歲率

百匹又於柏谷建寶興軍置冶募民鑿山爲銀仰以足用後累
至太師中書令老病而卒追封定王鈞嘗日夜懼宋師至太祖
諭以卿周室世讐今我與爾無所問何爲因此一方人也若有
志於中國宜下太行以決勝負鈞遣諜者復命曰河東土地甲
兵不足以當中國十一然自念家世非叛者區區守此蓋懼漢
氏之不血食也太祖哀其言故終鈞世十三年不加兵後以病
卒年四十三其養子繼恩嗣 繼恩本姓薛父釗爲護聖宮卒
母卽旻女漢祖命除軍籍置之門下無他材能以妻常居禁中
罕得見因醉拔佩刀刺之傷而不殊釗懼自殺妻再適何氏復
生繼元夫妻皆卒旻見鈞無子命皆養之鈞立以繼恩爲太原
尹鈞嘗語郭無爲繼恩純孝然非濟世之才恐不能了我家事
無爲不對繼恩恨之鈞病以後事托無爲告哀於契丹令繼恩

嗣位方服衰視事寢處勤政閤左右親信尚在太原未至供奉
官侯霸榮率十餘人入閤殺之無爲遣人梯入復殺霸榮并其
黨人皆謂繼恩前恨無爲遂假手霸榮然口滅無知者無爲復
迎繼元立之改元廣運繼元爲人殘忍殺晏子十餘人并鈞妻
郭氏自是劉氏無遺類矣宋聞之興師來討閉城拒守詔書招
降許繼元平盧節度使無爲安國節度使并人及左右不肯皆
欲固守無爲仰天慟哭曰奈何以孤城拒百萬王師并人意益
堅乃遣人縊殺之宋引汾水浸其城水由城門入城內以積草
塞之會暑雨王師頓于甘草地中士多疾乃詔班師旣去決城
下水注之臺駘水落城北契丹使韓知璠曰使王師若知并人
豈有類耶九年八月太祖復遣党進潘美楊光美于思進米文
義討之又分郭道入忻代路郝崇信王政忠入汾州路閻彥進

齊超入沁州路孫晏宣安守忠入遼州路齊延琛穆彥璋入石
州路會太宗立復召諸將還太平興國四年復議討伐曹彬贊
上親征以驍將郭進扼石嶺關先斷援兵契丹果至進擊敗之
饒道又絕潘美等兵數十萬長圍四合自春徂夏矢石晝夜不
息上親督衛士攻城慮城陷殺傷者衆仍以手詔諭降守陴者
不納乃躬擐甲胄夜至長連城蹲甲交射矢集城上如蝟五月
庚辰宣徽使范超出降攻城者以爲出戰禽而戮之繼元斬超
妻子投城外壬午馬軍都指揮使郭萬超踰城降帳下親信漸
以亡去繼元窮迫并人猶欲堅守其妻父樞密副使馬峯老疾
居家昇入見涕泣諭之至夕始遣客省使李勳奉表請降賜勳
襲衣金帶銀器錦綵鞍馬復遣通事舍人薛文寶齎詔答之五
月癸未太宗幸城北高臺繼元率官屬縞衣紗帽待罪臺下詔

釋之賜襲衣玉帶金鞍勒馬金銀器錦綵文武官各賜衣金銀帶器幣鞍馬有差名繼元升臺叩頭言臣聞車駕親征卽願束身歸罪而亡命者懼死逼臣不得降耳詔授繼元特進檢校太師右衛上將軍封彭城郡公館於行在所給賜甚厚其相李暉等授官有差以所獻宮妓百餘悉分賜立功將校其親屬令中使康仁寶護送赴京賜甲第歲時頒賚凡稱帝更歷四主二十九年而亡六年加開府儀同三司雍熙三年建房州爲保康軍以爲節度使有疾遣中使護醫診視卒贈中書令追封彭城郡王贈賻給葬賜子名守節授西京作坊副使遷崇儀使改右屯衛將軍天禧四年特遷右武衛改右驍衛將軍融字明遠青州博興人晉天福進士歷太原觀察支使中書侍郎平章事歸朝改司農卿知陳留黃三州卒子儔儔孫齊並進士及第暉

字孟深開封陽武人漢乾祐進士署州從事擢知制誥翰林學士至司空平章事入宋爲殿中監出知廣州遷司農卿連知許孟二州卒

高季興字貽孫陝州硤右人本名季昌避諱更今名少爲李讓家僮讓歸梁太祖爲養子季興得進見太祖奇其材亦以子畜之冒姓朱氏補制勝軍使遷毅勇指揮使梁攻鳳翔李茂貞墜壁不出議欲還軍季興進曰天下豪傑久窺此舉矧今已困憊破在旦夕此不可以誘致之乎太祖壯其言命募勇敢得騎士馬景授以計季興引見曰此行必無還理願錄其後嗣太祖惻然許之景乃從數騎直叩城門詭言梁兵將東前鋒已去岐人信之果開門出追卽引兵隨景後以進殺九千餘人景死之貽宗贈景官諡曰忠壯季興由是知名明年拜宋州刺史從破青

州徙潁州防禦使復其姓梁兵破趙匡凝以爲荆南留後開平
元年拜節度使二年加同平章事始至荆南十州皆爲諸道所
侵惟江陵一城又遭兵燹井邑凋零季興招緝綏撫人士歸之
用倪可福鮑唐爲將梁震司空薰王保義等爲賓客見太祖崩
梁政日衰乃謀阻兵自固治城隍設樓櫓累絕貢賦末帝封爲
渤海王賜袞冕劔佩貞明三年始復修貢梁亡莊宗下詔慰諭
薰等皆勸入朝震獨不可曰梁唐世仇大王乃其故臣握彊兵
居重鎮以身入朝行爲禽爾季興不聽留其二子引騎士三百
爲衛朝于洛陽莊宗果欲留之郭崇韜諫曰唐新滅梁方以大
信示人今四方諸侯多遣子弟將吏而季興以身述職爲諸侯
先宜加恩禮以風動來者乃厚禮遣之莊宗嘗欲征吳蜀問何
者爲先對曰宜先蜀臣請以本道兵先進莊宗大悅以手拊其

背歸繡手迹於衣以誇示其人甫去莊宗心悔密詔襄州劉訓
圖之詔書與季興先後至襄因心動夜斬關出得免歸語震曰
不聽子言幾墮虎口然主上矜伐荒于遊畋政事多廢吾可無
慮矣同光三年封南平郡王令以本道兵取夔忠萬歸峽等州
及聞蜀破京師變起悉邀自峽而下蜀物得金帛四十餘萬殺
使者韓琪等十餘人兵未嘗出明宗入立復請隸夔忠等六州
爲屬郡唐不得已許之猶除刺史已後拒而不納乃命劉訓
爲招討使攻之不克別將西方鄴克其夔忠萬三州季興遂獻
荆歸峽三州臣于吳吳用季興爲秦王天成三年卒年七十三
子九人長從誨權知留後事從誨字遵聖爲人明敏在梁爲
供奉官累遷鞍轡庫使賜告歸寧季興遂留爲馬步軍都指揮
使行軍司馬吳命嗣荆南節度使懼唐見討遣使聘于楚王馬

殷爲之請命而自遣押衙劉知讓奉表進贖罪銀三千兩明宗納之長興元年正月授以節鉞追封父楚王諡曰武信三年封渤海王應順元年改南平王晉高祖立遣學士陶穀爲生辰國信使從誨宴之沙樓大陳戰艦語穀曰吳蜀不賓久矣願修武備習水戰以師期穀還具道其語晉祖大喜遣使賜以甲馬百疋會安從誨反從誨陽爲拒絕而陰與之通晉師致討遣將李端應以舟師從進甫誅卽求屬郢州晉祖不許又闕漢高祖起亟遣人間道奉表亦求郢復不與乃發兵攻郢爲刺史尹實所敗會漢遣田敏使楚假道荆南從誨問中國虛實意欲誚敏以爲契丹之後兵食皆殫敏言晉之戈甲杜重威雖以降狄然置之鎮州未嘗以北今皆爲漢有從誨不悅荆南地狹兵弱介於吳楚自吳稱帝而南漢閩楚皆奉梁正朔歲時貢奉道皆

由此常邀留使者掠取其物諸道以書責誚或發兵加討卽復還之其後南漢與閩蜀皆稱帝從誨所嚮稱臣蓋利其賜予且多權詐不實諸國以其攘奪苟得無媿恥目爲高賴子乾祐元年卒年五十八贈尚書令諡文獻子保融權留後保融字德長長興初蔭補太子舍人賜緋晉天福中制授司空判內外諸軍俄遷節度副使開運末領峽州刺史加檢校太傅漢祖起檢校太尉同平章事嗣江陵尹荆南節度歸峽觀察等使賜以衣幣乾祐二年加大師兼侍中周廣順初兼中書令封渤海郡王賜禮服冠劍顯德初進南平王征淮南詔出水軍抵夏口爲犄角遣指揮使魏璘率兵三千赴之又遣客將劉扶奉箋南唐勸其歸順南唐平後世宗得箋大喜璽書褒美賞其軍絹數萬匹命泰州給牙兵以鹽將議伐蜀請先率舟師趨三峽遣其弟

保紳入朝歲貢無闕世宗益嘉之恭帝加守太保宋初守太傅連遣使貢獻恩賚甚厚建隆初卒年四十一廢朝贈太尉諡貞懿爲人性迂緩無材能事無大小悉委於同母弟保勗保勗字省躬行十幼多病體貌臞瘠晉天福初領漢州刺史判內外諸軍事周廣順元年加檢校太傅充節度副使顯德初檢校太尉充行軍司馬領寧江軍節度保融卒子繼沖幼令權知軍府章聞宋太祖已受命建隆二年遣弟保寅入貢歸勸保勗宜首率諸國奉土歸朝無爲他人取富貴不聽先是保融於南城北決江瀦水名爲北海以闕行者太祖諭令決去之使道路無阻保勗立後政事不理淫佚無度惟好營造窮極土木軍民咸怨藩府離弱從事孫光憲切諫不聽三年卒年三十九廢朝贈侍中初爲父所鍾愛或盛怒見之必釋荆人目爲萬事休卒纔數

月遂失國人以爲先兆繼沖字成和一字贊平保融長子周顯德六年蔭授檢校司空歸州刺史保勗寢疾其將梁延嗣勸以軍府付繼沖保勗是之以爲節度副使權知內外軍府事建隆四年授檢校太保嗣位如故時湖南張文表叛周保權求救發水軍三千赴潭州將以親校李景威宋祖遣慕容延釗李處耘等領兵假道荆南繼沖遣保寅犒師約於城外迺軍景威諫以兵尚權譎城外之約其可信乎宜嚴兵以待判官孫光憲叱之曰汝峽江一岷安識成敗且周世宗時已有混一天下之志今聖宋受命真主已出王師未易當因勸去斥堠封府庫以待繼沖以爲然景威出而歎曰大事已去何用生爲因扼吭而死二月大軍至出迎于郊前鋒遽入其城繼沖亟歸見旌旗甲馬布列衢巷大懼卽詣延釗納牌印遣客將王昭濟蕭仁楷奉表

納土獻錢絹布十萬五千復遣支使王崇範貢金銀器錦綺龍
腦錦繡帷幕各踰千百太祖令御厨使部岳持詔撫諭以王仁
贍爲荆南都巡檢使兼知軍府事授繼冲馬步軍都指揮使襲
璠如故賜以器幣鞍馬延嗣復州防禦使充湖南前軍步軍都
指揮使光憲黃州刺史都押衙孫仲文武勝軍節度副使知進
奏鄭景攻右驍衛將軍昭濟左領軍衛將軍仁楷供奉官諸父
江陵少尹保紳爲衛尉卿節院使保寅爲將作監充內作坊使
左衙都將保緒爲鴻臚少卿右衙都將保節爲司農少卿弟合
州刺史從翊爲右衛將軍衛將保遜爲左監門衛將軍巴州刺
史保衡改歸州知峽州事保膺本州刺史衙將從說從讓從謙
爲左右清道左司禦率府率王崇範節度判官高若拙觀察判
官梁守彬江陵少尹韋仲宣掌書記胡允修節度判官州縣官

悉仍舊別賜管內符印五月保紳等來朝各賜京城第一區會
將郊祀繼冲表許入覲十月至闕獻金銀器錦帛寶裝弓劔繡
旗幟象牙玉鞍勒等賜賚甚厚郊禋畢制授武寧軍節度徐宿
觀察使鎮彭門幾十年委政僚佐部內亦治開寶六年卒年三
十一廢朝二日贈侍中遣中使護喪給葬事自起傳襲三世五
帥凡四十餘年保寅字齊異晉天福七年以蔭授太子舍人
賜緋累加檢校司空賜金紫歸朝後知宿與懷州與帥趙普有
隙事多抑制心不能平手疏請罷支郡之制詔從之歷西川都
巡檢使司農衛尉光祿三卿移同汝二州改光化軍卒年六十
八廢朝賻錢十萬生平有識鑒初在懷州蘇易簡王欽若方少
年趨學在同州錢若水爲從事在光化張士遜其邑人一見皆
許以遠大議者多之子輔政輔之輔堯輔國並進士及第輔政

至秘書丞輔之太常丞 光憲字孟文陵州貴平人世業農少
獨好學博通經史游荆渚爲高從晦所重歷三世皆在幕府累
官秘書監兼御史大夫賜金紫治黃州亦有聲自號葆光子有
所著荆臺集鞏湖編玩筆備集橘齋集北夢瑣言蠶書子謂黨
並及第 延嗣長安人歷事四帥頗見委任人稱忠蓋表授檢
校司空領綿州刺史充衙內馬步軍都指揮使後因郊祀來朝
宋祖撫慰之曰使高氏不失富貴爾之力也改濠州防禦使有
善政詔書褒美生平頗知書好接士大夫嘗夢神人告以九九
之數卒時果年八十一

馬殷字霸圖許州鄆陵人與其弟竇俱爲河南孫儒裨將中和
三年秦宗權遣儒與忠武軍部將劉建鋒將兵萬人掠地淮南
時揚州大饑儒據高郵遣殷與建鋒掠食旁縣儒戰敗死竇爲

楊行密所執殷等無所歸乃收散卒得七千推建鋒爲帥殷爲
先鋒轉攻豫章略虔吉衆遂數萬推張佖爲謀主乾寧二年入
湖南次澧陵會潭州刺史鄧處訥發邵州兵成龍回關建鋒等
降其戍將蔣勛取勛鎧甲旗幟直趨潭州給守者以爲關兵成
還開門內之遂殺處訥建鋒自稱留後奉表京師僖宗授以檢
校左僕射湖南節度使殷爲馬步軍都指揮使建鋒庸人不能
馭下常與部曲飲酒譴呼勛求爲邵州刺史不與幸鄧繼崇兵
復攻湘鄉建鋒遣殷擊勛不勝江潯人夏侯陟教以奇兵伏莽
據江爲壁勛來攻敗之圍邵州未下會建鋒私其軍卒陳贍妻
被殺軍中推佖爲帥佖將入麻乘馬鬻傷左髀語諸將曰吾非
汝主馬公英勇可共立之諸將乃共殺贍磔其尸乾寧三年遣
姚彥章迎殷於邵州奉以爲帥詔除檢校太傅刺潭州遣將秦

彥暉李瓊等攻連邵柳衡道永六州皆下之桂管劉士政懼遣將陳可璠王建武等率兵守全義嶺殷遣使往聘不納殷怒遣瓊等往攻擒可璠等及其兵二千餘人悉阬之遂圍桂管鹵士政盡取其屬州表瓊桂管觀察使四年加武安軍節度使竇歸行密爲黑雲都指揮使數從征錢鏐有功爲人質重沈勇知書史未嘗自訟行密愛之夜臥常有光怪聞知爲殷弟喜曰吾今歸汝勉爲吾合二國之權過商賈易有無以相資亦所以報我也乃厚禮遣歸殷大喜表竇爲節度副使每勸殷與行密連和殷畏朱全忠不果昭宗在鳳翔遣中人間道賜密詔令與行密攻汴州亦不赴後行密遣將劉存等攻鄂州杜洪殷遣秦彥暉許德勳以舟兵救之洪旣敗死存等復來攻殷殷遣彥暉拒於上流偏將黃璠以舟三百伏瀏陽口存等屢戰不勝致書求和

殷許之璠復截江合擊陳知新遂取岳州殷初兵力尚寡與楊行密成汭劉襲等爲敵國殷患之問策于將高郁欲重幣以奉四隣郁曰汭地狹兵寡不足爲患襲惟志在五管行密孫儒之讐雖交以萬金不能得其懽心惟尊王仗順霸者之業今宜內奉朝廷以求封爵而外誇隣敵然後退修兵農畜力以待於是

以修貢爲名土產茶茗自京師至襄唐郢復等州皆置邸務鬻賣及令民自造與商賈交易而收其算歲入數十萬計郁又教鑄鉛鐵錢以十當銅錢一自是地大力完梁太祖卽位遣使修貢拜侍中兼中書令封楚王吳袁州刺史呂師周三世將家勇健豪俠頗通律候兵書行密疑有異志使人幾察動靜師周懼與裨將綦毋章謀吾聞馬公仁者待士有禮且與爲隣嘗望其營上雲氣甚佳未易敗也乃托以兵獵境上來奔殷聞大喜曰

吾方南圖嶺表而得此人足矣以爲馬步軍都指揮使率兵取
昭賀梧象柳宜蒙龔富等州表師周昭州刺史又攻容管執寧
遠節度使龐巨曦復遣秦彥暉攻朗州雷彥恭於是澧州向瓌
辰州宋鄴澱州昌師益等率溪洞諸蠻皆附于殷殷請升朗州
爲永順軍表張佶爲節度使又請開天冊府置官屬梁祖從之
拜殷天冊上將軍竇爲左相存右相廖光圖等十八人爲學士
末帝復加武昌靜江寧遠三軍節度洪鄂四面行營都統唐滅
梁遣子希範修貢上梁所授印莊宗問洞庭廣狹希範對曰車
駕南巡纔堪飲馬莊宗嘉之及平蜀殷懼表求致仕璽書慰勞
之明宗卽位遣使修貢并賀正天成二年請建行臺遣尚書右
丞李序持節封爲楚國王以潭州爲長沙府建國承制自置官
屬竇靜江軍子希振武順軍皆節度使姚彥章左相許德勳右

相李鐸司徒崔穎司空拓拔常僕射馬拱尚書文武皆進位謚
其曾祖筠曰文肅祖正曰莊穆父元豐曰景莊立三廟于長沙
次子希聲字若訥爲人愚而狠殷用高郁計楚國以贖高季
興患之使諜者行間殷不聽及希聲判內外諸軍事聞遂得行
乃矯殷令殺郁殷老莫知但見大霧四塞殷竊怪詰左右曰吾
從孫儒每殺不辜天必大霧豈獄有冤死者乎明日吏以狀白
殷拊膺大哭遂卒年七十九謚武穆希聲嗣立聞梁祖好食雞
慕之乃日烹五十雞以供膳居喪不徹頓食數器葬亦不入臨
禮部侍郎潘起譏之曰昔阮籍居喪而食蒸豚世豈乏賢耶長
興三年卒弟希範立殷子凡十餘人長希振賢棄官爲道士居
于外 希範字寶規爲人好學書詩晉高祖嘗詔出兵討安從
進李金全遣張少敵以舟兵趨漢陽又漕米五萬斛以饋軍會

金全等敗乃旋又遣劉勅劉全明等以步卒五千攻溪州刺史彭士然走之獎州遣子師高率諸蠻酋降于勅溪州西接犛狗南通桂林象郡乃立銅柱為表命學士李臯銘之於是南寧州酋長莫彥殊率其本部十八州都雲酋長尹懷昌率昆明等十二部犛狗張萬濟率彝播等七州皆來附然性奢侈嘗作會春園嘉宴堂又作九龍殿以八龍繞柱自言身為一龍其費皆鉅萬始加賦于國中與李臯廖光圖徐仲雅等滿博飲酒惟拓拔常沈厚長者上書切諫以為不可時契丹滅晉中原大亂牙將丁思覲又諫曰先王起卒伍以攻戰而得此州倚朝廷以制隣敵傳國三世有地數千里養兵十萬今天下困辱中原無主真霸者立功之時誠能悉國兵出荆襄以趨京師倡大義於天下此桓文之業奈何耗國刑而窮土木為兒女子之樂乎希範不

能從思覲與日扼喉而死希範卒年四十九同母弟希廣嗣希廣字德丕平時希範惡拓拔常諫諍常不欲見呼闈者勿納及臥病始思常言以為忠名之託以希廣常勸希廣以位奉其兄希萼不從時希萼為朗州節度聞喪來奔希廣將劉彥瑫以為意不善周廷誨勸早除之希廣泣曰吾兄也焉忍殺分國而治可也乃以兵迎希萼止之於碧湘宮厚賂以遣之希萼憤然而去遣使詣京師求封漢隱帝不許降璽書慰勞講解之希萼怒送款于李景舉兵攻長沙希廣遣彥瑫許可瓊等敗之于僕射洲希萼誘溪洞諸蠻寇益陽希廣遣崔洪璉以步卒七千屯湘鄉以遏諸蠻彥瑫以舟兵趨武陵攻希萼敗于湄洲希廣懼遣使請兵京師隱帝不能決希萼率舟兵沿江而上自號順天將軍攻岳州刺史王贊本約同行至是堅守不出希萼呼曰昔

有約今何異贊曰君兄弟不相容而責將吏異心乎願王入長沙不傷同氣臣其敢不盡節希萼引兵去下湘鄉至長沙屯水西彥瑫可瓊屯水東彭師鬲登城望水西軍入白希廣曰武陵兵驕雜以蠻蠻其勢易破請令可瓊等陣山前臣以步兵自巴溪渡江趨岳麓後夜擊之希廣以爲然而可瓊已陰送款希萼遂沮其議師鬲亟請殺之希廣不聽希萼攻長樂門牙將吳宏楊滌拒戰希萼少劔會可瓊奔希萼宏滌聞之皆潰希廣與妻子皆被擒縊殺之乾祐三年希萼自立明年漢隱帝崩京師大亂希萼遂臣于李景封楚王悉任其弟希崇以軍政希崇與楚舊將徐威陸孟俊魯綰等復謀亂縱惡馬數十騎隨以壯士突入府中劫庫兵縛希萼囚于衡山迎希崇立之彭師鬲廖偃奉希萼爲衡山王希崇懼亦請命於景周廣順元年景遣邊鎬入

楚盡遷其族于金陵封希萼楚之王居洪州希崇舒州節度使居揚州顯德三年世宗征淮揚下詔撫安馬氏子孫宋興希崇率其兄弟十七人歸京師拜希能左屯衛希貫右千牛衛皆大將軍希隱希濬希知希朗皆爲節度行軍司馬

周行逢朗州武陵人少無賴不事產業常犯法配隸與王進達俱爲靜江軍卒事希萼爲裨校李景旣還馬氏命邊鎬爲潭帥會朗州衆亂推衙將劉言爲留後行逢爲指揮使上表於景請授言節鉞不聽因併名言將遷金陵言懼遣行逢與王進達張文表行軍司馬何景真帥舟師襲破潭州鎬遁去行逢等據其城上表周太祖言長沙兵亂焚燬元公府請移治朗州周祖從之卽以言爲朗帥進達爲潭帥行逢一爲軍司馬領集州刺史二帥素有隙進達用行逢策襲殺言以據朗州以行逢帥潭州顯德

元年拜行逢武清軍節度使權知潭州軍府事初朗州人謂劉言為劉巖牙馬氏將亂湘中童謠言馬去不用鞭轆不過今年後邊鎬俘馬氏言又逐鎬亦被害其言皆驗世宗征淮南詔進達出師以偏將潘叔嗣為先鋒行及鄂州反兵龔朗進達聞之倍道先入叔嗣攻其城進達敗走遂為所殺迎行逢為節度使行逢至即斬叔嗣以徇世宗授行逢朗州大都督武平軍節度使制置武安靜江等州軍事兼侍中蓋有湖南之地宋初加兼中書令在鎮盡心為治能以儉約自勉條教簡易民皆悅之辟署官屬必取廉介之士雖增亦不敢私然性多猜忌果於殺戮左右少有忤意必寘於法麾下之人而里足累息由是士流不附又多署溪洞蠻酋為司空太保嘗問于士徐仲雅曰吾奄有湖湘兵疆俗阜四鄰其懼我乎仲雅曰八部內司空滿川太保徧

地孰敢不懼妻嚴氏以為用法太嚴將生人心不聽嘗召掌書記李觀象託以子保權曰吾部內兇狠者誅之略盡惟衡州刺史張文表同時獨存吾死必不能事吾曰當以楊師璠討之如其不能嬰城自守歸于朝廷無令陷在虎口建隆三年十月行逢卒追封汝南郡王保權年方十一權節度副使俄授檢校太尉襲位如故文表果舉兵據潭州將取朗陵保權乞師朝廷太祖遣慕容延釗李處耘為將副以四方館使武懷節氍毹使張繼勳染院使康延澤酒坊副使盧懷忠等率淄州尹崇珂申州聶章鄂州趙重進兵至江陵師璠太破文表于平津亭鬻而食之延釗遣閣門使丁德裕先路安撫牙校張從富輩懼為襲已至城下拒而不納盡撤部內橋梁伐樹塞路觀象謂保權曰我所恃者北有江渚以為唇齒今高氏拱手聽命朗州勢不獨全

莫若幅巾歸朝。則不失富貴。保權幼懦不能決德裕以未奉詔不敢與戰。退軍須之。延釗以聞。太祖遣中使諭保權。爾本請師救。援故發大軍以拯爾難。今妖孽既殄。是有大造於爾。何為反拒王師。爾無自取塗炭。重擾生聚。保權出軍於澧州南。未及交鋒。望風而潰。復還朗州。居人奔竄。山谷城郭一空。其將汪端劫保權焚廬舍。倉庫。率家屬棄城亡。匿延釗獲之。磔端于市。梟從富首以徇。湖湘悉平。保權至京。上章待罪。優詔釋之。賜襲衣金帶鞍勒馬第宅。茵褥銀器絹帛錢貫。授右千牛衛上將軍。乾德三年詔增築行逢墓。五年遷保權右羽林統軍。太平興國初知并州。賜錢三百萬。卒年三十四。觀象桂州。臨祚人拜為左補闕。

弘簡錄卷七十三 終

